

Daiteronomi

BINSU NAKÔNINŊA NABUKU

Gêdêŋ taŋ lau Israel nêŋ intêna gamêŋ sawaŋa kêdabiŋ gebe ênac pep naŋ, êsêac sêô lasê lau Moab nêŋ gamêŋ ma sêmoa tonan. Êsêac sêsaê gebe selom bu Jordan ma nasêsa gamêŋ Kanaan ma sêjaŋgo su. Gêdêŋ ŋasawa tonan Mose gêjac biŋsu to gêjam mêtê nê lau ma ênê biŋ tonan kêsêp buku Daiteronomi tonec.

Buku tau ŋasêbu aclê gêc awê gebe

1. Môkêlatu 1-4 Mose gêjac miŋ kêpi gêŋsêga, taŋ lau Israel sêsaê gêdêŋ taŋ sêwi Aiguptu siŋ e mêŋsêsa Moabnêŋ gamêŋ naŋ. Eŋ gêjac biŋsu nê lau gebe taêŋ ênam Anôtô gêwê êsêac aŋga gamêŋ sawa tec taŋeŋ wamu eŋ to sêso eŋ ŋalabu.
2. Môkêlatu 5-28 Mose gêwa biŋsu lemenlu ŋakôniŋna sa. Eŋ gêlêŋ biŋ lau kêtû biŋsu ŋamataŋa ma gêjac biŋsu lau gebe sênam sakiŋ Apômtau taugen. Eŋ taê gêjam biŋsu toê-toê ŋagêdô, taŋ ênam gôliŋ lau Israel nêŋ lêŋ aŋga gamêŋ. taŋ Anôtô gêjac mata gêdêŋ êsêac naŋ, amboac tonan.
3. Môkêlatu 29-30 Mose gêlêŋ biŋ lau gebe taêŋ ênam poac, taŋ Anôtô kêmoatiŋ gêdêŋ êsêac naŋ, ŋam ma kêjatu êsêac gebe sêlôc êtu tôn gebe sêŋgôm biŋ tau ŋanô êsa.
4. Môkêlatu 31-34 Mose gêjam mec Josua gebe êjô eŋ su ma êtu Anôtônê lau nêŋ kasêga. Mose gêjam wê teŋ ma kêlambiŋ Anôtô gebe

en ηac ηaηêngosu. Su, go gêjam mec Israelnêη gôlôacmôkê ma gêmac êndu anηa Moabnêη gamêη, taη gêc bu Jordan ηagamêη gêmu oc kêpiηa.

Buku tau ηalôtêna towae tonec gebe Anôtô têtac gêwiη nê lau, taη kêjaliη êsêac sa naη, ma gêjam êsêac sa to gêjam mec êsêac. Nê lau taêη ênam biη tonanη ma têtac êwiη to taηeη wamu en gebe sêmoa matenη jali ma têtap Anôtônê moasiη sa ηapaη.

ηamadiη towae tau gêc 6:4-6. Apômtau Jesu kêsam ηalô dabuη tonec gebe Biηsu kapôêη kêlêlêc ηagêdô su. Biηsu tau gebe “Têmtac êwiη Apômtau, aômniem Anôtô, tonêm ηalêlôm samuc ma nêm katôm samuc ma nêm ηaclai samuc êwiη engeη (Mat 22:37).”

Mose kêsôm Apômtaunê biη, taη gêjac mata anηa Horeb naη, lasê kêtiam

¹ Biη tonec Mose kêsôm gêdêη lau Israel samob anηa Jordan ηamakeη ônêηa gêdêη taη sêmoa gamêη sawa Araba, taη gêc gamêη Paran to Topel ma Laban to Hesarot ma Disahab ηasawa kêkanôη gamêη Sup naη.

² Tasêlêη anηa lôc Horeb tasa intêna lôc Seirηa e taô lasê malac Kades-Barnea ηasawa kêtôm bêc 11.

³ Ma gêdêη jala kêtu 40 ηaajôη 11 ηabêc ηamataηa Mose kêsôm biη samob, taη Apômtau kêjatu en naη, lasê gêdêη lau Israel.

⁴ Gêdêη taη Apômtau kêku kiη Amorηa Sihon, taη gêngôη Hesbon ma kiη Basanηa Og, taη gêngôη Astarot to Edriηa naη, tulu.

⁵ Anġa gamêḡ Moabḡa, taḡ ġêc Jordan ḡamaken ḡnêḡa naḡ, Mose ġêjac m gebe êwa biḡsu tonec sa gebe

⁶ “Apômtau, aêacnêḡ Anôtô, kêsôm ġêdêḡ aêac anġa lôc Horeb gebe ‘Amac amoa lôc tonec kêtômġac.

⁷ Andi ma anac têku nêḡ lêḡ êtiam ma asêlêḡ ana lau Amor nêḡ gamêḡ ḡabau to êndêḡ êsêacnêḡ lau jabaḡḡa, taḡ sêḡġôḡ Araba ma gamêḡ ḡabau to gaboan ma Negeb to ġwêctali ma gamêḡ Kanaan to Lebanon e êndêḡ bu kapôêḡ Euprat naḡ.

⁸ Alic acgom, aê kakêḡ nom tonanġ ġêdêḡ amac sugac. Asô ana ma akôc ma awê kaiḡ nom, taḡ Apômtau kêtôc lêḡa ma ġêjac mata ġêdêḡ amac tamemi, ġêdêḡ Abraham aġêc Isak ma Jakob gebe êkêḡ êndêḡ êsêac to nêḡ wakuc, taḡ têndanġuc êsêac naḡ.’ ”

1:9–3:39 Mose taê ġêjam ġêḡsêġa ḡaġêdô, taḡ kêsâ ġêdêḡ taḡ lau Israel sêwi lôc Sinai siḡ jasêwê sêḡoa gamêḡ sawa naḡ.

4

Mose ġêjac biḡsu lau Israel gebe taḡeḡ wamu Anôtônê biḡ

¹ Go Mose kêsôm kêtiam gebe “O Israel, galoc akêḡ taḡem ḡaġôliḡ to biḡsu, taḡ jandôḡ êndêḡ amac naḡ, ma anġôm ḡanô êsa gebe amoa matem jali ma asa gamêḡ, taḡ Apômtau, amac tameminêḡ Anôtô gebe êkêḡ êndêḡ amac naḡ, ana ma awê kaiḡ gamêḡ tau êtu nêḡ gamêḡ.

² Anac têku biḡ, taḡ aê kajatu amac naḡ ḡatenḡ atom to akôc ḡalô teḡ su atom amboac tonanġeḡ.

Anġôm Apômtau, amacnêm Anôtô, nê biñsu, tañ kajatu amac nañ, ñanô êsa.

³ Amac taôm alic ġeñ, tañ Apômtau ġêġôm anġa Bal-Peor nañġac. Lau samob, tañ sêsap Bal anġa Peorña tôñ nañ, Apômtau, amacnêm Anôtô gesen êsêac su anġa amac ñalêlôm.

⁴ Mago amac, tañ asap Apômtau, amacnêm Anôtô, tôñ ñajaña nañ, tec amoa matem jali e mênġêdêñ galoc.

⁵ Alic acgom, aê kadônġ ñaġôlinġ to biñsu ġêdêñ amac kêtôm Apômtau, aêñoc Anôtô, kêjatu aê, gebe amac anġôm ñanô êsa anġa ġamêñ, tañ oc asa gebe awê kaiñ êtu amacnêm ġamêñ nañ.

⁶ Amboac tonañ ajop biñsu tau ñapep ma anġôm ñanô êsa, gebe biñsu tonañ êwaka amacnêm kauc to nêm ajala mêtêña sa êndêñ tentenlatu sêlic. Êsêac embe sêñô ñaġôlinġ samob tonañ ñai, oc sêsôm gebe ‘Lau-m kapôêñ tonañ êsêac lau tokauc ma lau sêjala mêtêña biññanôġoc.’

⁷ Biññanô, lau-m kapôêñ ondoc oc nêñ anôtô ġêmoa êsêac ñaġala kêtôm Apômtau, aêacnêñ Anôtô, ġêmoa aêac ñaġala ġêdêñ têm samob, tañ awenġ ġêjac enġ nañ.

⁸ Ma lau-m kapôêñ ondoc oc têtap ñaġôlinġ to biñsu ġêdêñ sa, kêtôm biñsu samob, tañ ocsalô tonec kakêñ ġêdêñ amac nañ.

Israel taêñ ênam biñ samob, tañ kêsa anġa lôc Horeb nañ

⁹ “Mago ôlic taôm to ojop katôm ñapep. Ôlinġ biñ, tañ ġôlic ña matamanô nañ, siñ atom, ma taêm ênam biñ tonañ êtôm bêc ômoa matam jaliña

samob. Ônac miñ biñ tau êndêñ nêñ gôlôac to nêñ gôlôacnêñ gôlôac.

¹⁰ Gêdêñ bêc, tañ kôkô Apômtau, aômnêñ Anôtô, lañônêñña anğa Horeb nañ, Apômtau kêsôm gêdêñ aê gebe 'Ôkac lau sa dêndêñ aê sêmêñ gebe jakêñ êsêac sêñô ñoc biñ ma jandôñ êsêac gebe têtêc aê êtôm bêc samob, tañ sêmoa maten jali anğa nom nañ, ma têndôñ biñ tau êndêñ nêñ gôlôac amboac tonanğen.'

¹¹ Ma amac tec atu gasuc jaakô lôc ñalabu. Ma ja gelom anğa lôc tau e jagêdêñ undambê, tañ ñakesec to tao ma gêsunğôm kêkôm auc nañ.

¹² Go Apômtau awa kêsa gêdêñ amac anğa ja ñalêlôm. Amac anğô biñ ñakicsêa, mago alic ñanô atom, anğô awagenj.

¹³ Ma en geoc nê poac lasê gêdêñ amac ma kêjatu amac, gebe ajop. Poac tau biñsu 10, tañ en keto kêsêp poc tapa luagêc.

¹⁴ Ma Apômtau kêjatu aê gêdêñ bêc tonanğe gebe jandôñ ñagôlinj to biñsu êndêñ amac, gebe anğôm biñ tau ñanô êsa anğa gamêñ, tañ oc asa ana nañ, gebe awê kainj êtu amacnêñ gamêñ.

Lau Israel sejob taunğ êndêñ anôtôi jaba

¹⁵ "Amboac tonanğ ajop taôm ñapep. Gêdêñ bêc, tañ Apômtau awa kêsa gêdêñ amac anğa ja ñalêlôm anğa Horeb nañ, amac alic ñanô tenj atom.

¹⁶ Amboac tonanğ alic taôm gebe anğôm biñ alôb-alôb ma asap gêñ tokainj-tokainj ñakatu êtu taômña atom. Asap gwam ñac me awê ñakatu atom.

¹⁷ Asap bôc nomña to moc, tañ gêlôb gêmoe umboñ ñalabu nañ, ñatenj ñakatu atom.

18 Asap gêṅ, taṅ kêgalab gêmôa nom naṅ, to i, taṅ gêmôa bu nom ṅalêlômṅa naṅ, ṅateṅ ṅakatu atom.

19 Ma embe ôc matamanô sa e ôlic oc to ajôṅ ma utitalata ma undambê ṅagêlôn samob, go êlêtôm aôm e oteṅ mec to ônam sakiṅ gêṅ tau atom. Apômtau, aômṅêm Anôtô, kêkêṅ gêṅ tau gêdêṅ lau samob, taṅ sêmoa umbonṅ ṅalabu naṅ, sêwê kaiṅ.

20 Mago Apômtau kêkôc amac ma gêwê amac asa aṅga Aiguptu, taṅ kêtuj amac kêtôm ja geṅ ki gêwê naṅ, amêṅ, gebe atu eṅ taugenṅ nê lau, kêtôm taṅ amoa e gêdêṅ galoc.

21 Ma Apômtau têtac ṅandaṅ gêdêṅ aê kêtuj amacṅa. Eṅ kêtôc lêma ma kêsôm kêtuj tônṅ gebe aê jalom bu Jordan atom ma jasa gamêṅ ṅajam, taṅ Apômtau, amacnêṅ Anôtô, gebe êkêṅ êndêṅ amac êtu nêṅ nomlênsêṅ naṅ atom.

22 Tec aê jamac êndu aṅga gamêṅ tonec, jalom Jordan atom. Amac taômgeṅ alom e awê kaiṅ gamêṅ ṅajam tau êtu amacnêṅ gamêṅ.

23 Amboac tonaj ajop taôm ma aliṅ poac, taṅ Apômtau, amacnêṅ Anôtô, kêmoatiṅ gêdêṅ amac naṅ, siṅ atom. Asap gêṅ tokaiṅ-tokaiṅ ṅakatu atom, Apômtau, amacnêṅ Anôtô, gêjac jao gebe aṅgôm aôm.

24 Gebe Apômtau, aômṅêm Anôtô, eṅ ja êndaṅgac gêṅṅa, eṅ Anôtô, taṅ gêjam lêmuṅ nê gêṅ, gebe têtac êwiṅ eṅ taugenṅ.

25 “Amac embe akac gôlôac to gôlôacnêṅ gôlôac lasê to atu wakac aṅga gamêṅ tônê ma embe asap gêṅ tokaiṅ-tokaiṅ ṅakatu êtu gwam to aṅgôm gêṅ, taṅ Apômtau, amacnêṅ Anôtô, êlic amboac gêṅ alôb-alôb naṅ, e êṅgôm eṅ têtac ṅandaṅ êsa,

26 go ocsalô tonec jakalem lau undambê to nom

sêhônge be amac malemmê wen tagen anga gamêh, tan êtu amacnêm gamêh êndêh tan alom bu Jordan nan. Amac oc amoa gamêh tau nasawa baliñ atom, oc ananja samucgen.

²⁷ Ma Apômtau êsa amac êliñ-êliñ asêp lau tomôkê-tomôkê ñalêlôm. Ma amac, tan Apômtau kêpalip amac asêp lau tomôkê-tomôkê ñalêlôm nan, nêm lau ñapopocgen oc gacgen sêmoa lau tomôkê-tomôkê nasawa.

²⁸ Ma anga tônê oc anam sakin anôtôi, tan ñamalac lemeñ sêsap kêsêp ka to poc nan. Anôtôi tonan sêlic gamêh atom, sêhônge biñ atom, señ gêh atom, sêñu gêh ñamalu atom.

²⁹ Mago anga lau tomôkê-tomôkê ñalêlôm aôm oc onsom Apômtau, aômnêm Anôtô. Ma aôm embe onsom eñ tonêm ñalêlôm samuc ma nêm katôm samuc, oc ôtap eñ sa.

³⁰ Êndêh bêc ñamu embe gêhwapac samob êpi aôm e ôpô lêna ñanô, go ômu ôndêh Apômtau, aômnêm Anôtô, ôna ma tanam wamu eñ awa.

³¹ Gebe Apômtau, aômnêm Anôtô, eñ Anôtô taê walôña. Eñ oc êwi aôm siñ to enseñ aôm su ma êliñ poac, tan kêmoatiñ gêdêh tamemi to kêtôc lêma nan, siñ atom.

³² “Ôkip têm, tan gêjaña su to gêmuj aôm nan, ñabin sa acgom. Ônac m êndêh bêc Anôtô kêkêh ñamalac sêmoa nom nan ma ôtu kênac lau, tan sêngôn umbon ñalabu ñamakeñ tonecña e êndêh ñamakeñ tônêña nan, gebe gêñsêga amboac tonec oc kêsa ma lau sêhônge biñ teñ amboac tonec ñawae su me masi.

³³ Lau-m teñ sêhônge Anôtô awa kêsa anga ja ñalêlôm

gêmêñ kêtôm aôm gôñô, ma sêmoa maten jali me.

³⁴ Me anôtô ten gêmoa, tan kêsaê gebe naêjanjo lau-m ten su anga lau-m ten ñalêlôm êtu en tauna ma kêsaê êsêac to gêgôm gêñtalô ma gêñsêga to gêjac sin ña lêma ñajaña, tan kêmêtôc nan, ma kêtakê êsêac ña gêñwapac kain ten kêtôm Apômtau, amacnêm Anôtô, gêgôm kêtú amacña anga Aiguptu, amac taôm matemanô alic nan, me.

³⁵ En kêtôc bin samob tonan gêdên aôm, gebe ôjala gebe Apômtau en Anôtô binñanôgen, ma anôtô ten gêmoa gêwiñ atomanô.

³⁶ En kêkên aôm gôñô en awa kêsa anga undambê gebe êndôn aôm ma kêkên aôm gôlic ênê ja kapôên anga nom to gôñô ênê bin kêsa anga ja ñalêlôm.

³⁷ En têtac gêwiñ aôm tamamî to kêjalîñ êsêacnên wakuc sa, ma gêwê aôm kôsa anga Aiguptu gômôên. En tau gêmoa gêwiñ aôm ma gêgôm gên tonan ña né ñaclai kapôên.

³⁸ En kêjanda lau-m kapôên-kapôên to ñajaña sêlêlêc aôm su gêmuñ aôm, gebe êwê aôm ôsa êsêacnên gamên ôna ma êkên gamên tau êtu nêm nomlênsêm, kêtôm tec gêc galoc nec.

³⁹ Amboac tonan ocsalô tonec ôjala ma taêm ênam bin tau ênêc nêm ñalêlômgen gebe Apômtau taugen en undambê to nom ñaAnôtô. Anôtô ten gêmoa atom.

⁴⁰ Kêtú tonanña aôm ôñgôm ênê ñagôlin to binsu, tan ocsalô tonec kajatu aôm nan, ñanô êsa gebe aôm to nêm gôlôac, tan sêndanuc aôm nan, amoa ñajam to anğôn ñasawa ñêngeñ anga gamên, tan Apômtau, aômñêm Anôtô, êkên êndên aôm enden tôngeñ nan.”

4:41–5:33 Nāsêbu tonec teto malac, nañ sêsam têtü malac sê lamuņa anğa Jordan ñamakenj oc kêpiņa nañ, ñaê, go têdênañ Biņsu Lemenļu ñakôniņņa kêtiam (alic Eksodus 20).

6

Biņsu towae

¹ Go Mose kêsôm gebe “Biņsu to ñagôliņ ma jatu tau, tañ Apômtau, amacnêm Anôtô kėjatu aê, gebe jandônj êndêņj amac gebe anğôm ñanô êsa anğa gamêņj, tañ alom ana gebe awê kainj êtu amacnêm gamêņj nañ, tonec.

² Gebe aôm ma latômi to dêbômi atêc Apômtau, aômñêm Anôtô, ma anğôm biņsu to ñagôliņ samob, tañ kajatu amac nañ, ñanô êsa êndêņj nêm têm amoa matem jaliņa, gebe anğôņj ñasawa ñêņgeņj anğa nom.

³ Amboac tonañ amac lau Israel, anjô biņsu tau to anğôm ñanô êsa ñapep, gebe amoa ñajamgeņj ma atu taêsam anğa gamêņj, tañ su to lêp keselenj nañ, êtôm tañ amac tameminêņj Anôtô gêjac mata gêdêņj amac nañ.

⁴ “O Israel, ôkêņj tañammaņ. Apômtau, aêacnêņj Anôtô, eņ Apômtau tagenj.

⁵ Têmtac êwiņj Apômtau, aômñêm Anôtô, tonêm ñalêlôm samuc ma nêm katôm samuc ma nêm ñaclai samuc.

⁶ Ma oto biņj, tec galoc jajatu aôm nec, êsêp nêm ñalêlôm.

⁷ Ôndônj biņj tau êndêņj nêm gôlôac ma embe ôlêwanj taôm ôņgôņj nêm andu me ôsêlêņj ômoa intêna me êndêņj noc ônêc bêc to ôndi saņa nañ, ôsôm biņj tau ñakôniņņa amboac tonañgeņj.

⁸ Ôkic biñ tau tôñ êpi lêmam êtu ñabelo to ombec biñ tau êtôm ñatalô.

⁹ Oto biñ tau êpi nêmandu ñasagintêkwa sacgêdôña to êpi nêmandu katam tau.

¹⁰ “Êndên tañ Apômtau, aomnêmandu Anôtô, êwê aom naô lasê gamên, tañ en kêtôc lêma gêdên tamami Abraham agêc Isak ma Jakob gebe êkên êndên aom nañ, ma êkên malac kapôên to ñajam, tañ aom kôkwê atom nañ,

¹¹ ma êkên andu toawa tokain-tokain, tañ aom kotoc gêc andu tau atom nañ, ma êkên kôm wain to katêkwiña, tañ aom kôsê atom nañ, ma êndên tañ ôniñ gêñ tau e êôc aom tôñ nañ,

¹² Ojop taôm gebe ôliñ Apômtau siñ atom, gebe en tec gêwê aom kôsa anga gamên Aiguptuña, tañ kêtôm andu kapoacwalôña nañ, gômôên.

¹³ Ôtêc Apômtau, aomnêmandu Anôtô, to ônam sakin en ma ôtôc lêmam ña ênê ñaê.

¹⁴ Andanguc lau tomôkê-tomôkê, tañ sêgi amac auc nañ, nêñ anôtôi jaba atom,

¹⁵ gebe Apômtau, amacnêmandu Anôtô, tañ gêmoa amac ñalêlôm nañ, gêjam lêmunê lau, gebe têtac êwiñ en taugen. Embe andanguc anôtôi jaba, oc Apômtau, amacnêmandu Anôtô, têtac ñandanêsa êndên amac e ensem amac su anan anga nom.

¹⁶ “Ansaê Apômtau, amacnêmandu Anôtô, amboac asaê en anga Masa nec atom.

¹⁷ Angôm Apômtau, amacnêmandu Anôtô, nê biñsu to ñagôliñ ma jatu, tañ kêjatu amac nañ, ñanô esa.

¹⁸ Ma ôngôm gêñ gêdên to ñajam ênac Apômtau mataanôgenê omoa ñajamgen ma ôsa gamên ñajam

ôna gebe ôwê kaiŋ êtu aômnêm gamêŋ êtôm Apômtau kêtôc lêma, gebe êkêŋ êndêŋ tamami.

¹⁹ Eŋ êjanda nêŋ ŋacjo êmuŋ aôm êtôm eŋ tau gêjac mata.

²⁰ “Embe latôm êtu kênac aôm êtu ŋamu gebe ‘Biŋsu to ŋagôliŋ ma jatu, taŋ Apômtau, aêacnêŋ Anôtô, kêjatu amac naŋ, ŋam amboac ondoc,’

²¹ go ôsôm êndêŋ latôm gebe ‘Aêac atu Paraonê sakiŋwaga, ma Apômtau gêwê aêac ŋa lêma ŋajaŋa asa aŋga Aiguptu amêŋ.

²² Ma Apômtau kêtôc gêŋtalô to gêŋsêga kapôêŋ, taŋ kêtakê lau Aiguptu ma Parao to nê gôlôac samob gêdêŋ aêac mateŋanô alic.

²³ Mago eŋ gêwê aêac asa aŋga ônê amêŋ, gebe êkêŋ aêac naaô lasê gamêŋ, taŋ kêtôc lêma gêdêŋ tamenj, gebe êkêŋ êndêŋ aêac naŋ.

²⁴ Ma Apômtau kêjatu aêac gebe danġôm ênê biŋsu samob tonec ŋai ŋanô êsa to tatêc Apômtau, aêacnêŋ Anôtô, gebe tamoa ŋajam ŋapaŋ ma eŋ ejop aêac tamoa mateŋ jali êtôm tec galoc tamoa nec.

²⁵ Ma aêac embe danġôm biŋsu samob tonan ŋanô êsa e ŋapepgeŋ takô Apômtau, aêacnêŋ Anôtô, laŋônêŋa êtôm tec kêjatu aêac nec, go tatu lau gêdêŋ.’

7

Anôtônê lau dabuŋ

¹ “Êndêŋ taŋ Apômtau, aômnêm Anôtô, êwê aôm ô lasê gamêŋ, taŋ galoc kopeŋ gômoa naŋ, gebe ôwê kaiŋ êtu aômnêm gamêŋ naŋ, eŋ oc êjanda lau tomôkê-tomôkê êmuŋ aôm. Eŋ êjanda lau-m 7, taŋ nêŋ namba to ŋaclai kêlêlêc aômnêm su naŋ, lau Het

to Girgas ma Amor to Kanaan ma Peres to Hib ma Jebus.

² Ma êndên tañ Apômtau, aômnêm Anôtô, êkênj êsêac sêsêp aôm lêmam ma aôm ôku êsêac tulu nañ, onsenj êsêac su samucgenj sênaña. Ômoatiñ poac ôwiñj êsêac to taêm walô êsêac atomanô.

³ Ômansañ biñ awê to ñac sênam tauñña ôwiñj êsêac atom. Ôkênj latômio sênam êsêac latuñj atom to ôkôc êsêac latuñjio sênam aôm latômi atom.

⁴ Gebe êsêac oc sênam latômi ôkwi e sêndanğuc aê êtiam atom ma sênam sakinj anôtôi jaba. Embe amboac tonañ, go Apômtau têtac ñandanj êsa êndênj amac e ensenj amac su anaña sebeñ.

⁵ Anğôm êsêac amboac tonec gebe ansenj nêñ altar su to atuc nêñ alêpoc popoc ma asap nêñ gwam tulu to akênj nêñ anôtôi jaba nêñ ñakatu êsa ja êniñ su.

⁶ “Gebe amac atu Apômtau, amacnêm Anôtô, nê lau dabuñ. Apômtau, amacnêm Anôtô, kêjaliñ amac sa anğa lau tomôkê-tomôkê nomña samob, gebe atu eñ taugenj nê lau.

⁷ Apômtau têtac gêwiñj amac to kêjaliñ amac sa kêtü nêm namba kapôênj kêlêlêc lau-m ñagêdô nêñ suña nec atom. Masi, amacnêm namba sauñanô kêlêlêc lau tomôkê-tomôkê samob nêñ su.

⁸ Apômtau gêwê amac ña lêma ñajaña asa amêñ ma kêgaboac amac su anğa andu kapoacwalôña to anğa kinj Aiguptuña Parao lêma, gebe eñ têtac gêwiñj amac ma gêgôm biñ, tañ kêtôc lêma gêdênj amac tamemi nañ, ñanô kêsa.

⁹ Amboac tonañ ajala gebe Apômtau, amacnêm Anôtô, eñ Anôtô ñanô. Eñ Anôtô ñañênj, tañ kêsap

nê poac tôḡ ma têtac gêwiḡ êsêac, taḡ têtac gêwiḡ eḡ ma sêmansaḡ ênê biḡsu naḡ, oc êmoasiḡ êsêac gôlôac to gôlôac ḡêḡgeḡ êna.

¹⁰ Mago Anôtô êkêḡ ḡagêjô êndêḡ êsêac, taḡ têtac gedec eḡ naḡ, êpi êsêac taḡ ḡliḡ ma enseḡ êsêac su. Eḡ ê lau, taḡ têtac gedec eḡ naḡ, nêḡ biḡ tôḡ atom. Masigoc, êkêḡ ḡagêjô êpi êsêac taḡ ḡliḡ solopgeḡ.

¹¹ Amboac tonaḡ ḡḡgôm biḡsu to ḡagôliḡ ma jatu, taḡ galoc kajatu aôm naḡ, ḡaḡô êsamaḡ.

Anôtô ênam mec lau taḡeḡ wamuḡa

¹² “Aḡô to aḡgôm ḡagôliḡ tonanḡ ḡaḡô êsa, ma Apômtau, amacnêḡ Anôtô, êsap poac tau tôḡ to têtac êwiḡ amac êtôm kêtôc lêma gêdêḡ tamemi.

¹³ Eḡ oc têtac êwiḡ aôm ma ênam mec aôm to êḡgôm aôm ôtu taêsam. Eḡ ênam mec aôm ḡlim ḡaḡaḡô to nêḡ nom ḡaḡô amboac polom to wain ma katêkwi. Eḡ ênam mec nêḡ bulimakao têtú taêsam to domba ḡalatu amboac tonanḡ. Eḡ êḡgôm gêḡ tau aḡga gamêḡ, taḡ kêtôc lêma gêdêḡ tamami, gebe êkêḡ êndêḡ aôm naḡ.

¹⁴ Eḡ ênam mec aôm êlêlêc lau-m ḡagêdô samob su. Nêḡ ḡacwaga samob sêka gôlôac lasê to nêḡ lauo kapoac teḡ sêmoa atom. Ma nêḡ bulimakao samob sêsu ḡalatu amboac tonanḡ.

¹⁵ Apômtau gebe êmbalaḡ gêmac tokaiḡ-tokaiḡ auc êndêḡ aôm ma lau Aiguptu nêḡ gêmac, taḡ ajala kêtú tôḡ naḡ, ḡateḡ êtap aôm sa atom. Ma Apômtau ênac lau samob, taḡ têtac gedec aôm naḡ, ḡa gêmac tau tonanḡ.

¹⁶ Aôm onseḡ lau-m samob, taḡ Apômtau, aôm nêḡ Anôtô, êkêḡ êsêp aôm lêmam naḡ, su. Taêm walô êsêac atom to ônam sakiḡ nêḡ anôtôi

atom amboac tonanjen, gebe oc êtu lakô ênac aômna.

17 “Aôm moae ôsôm êndên taôm gebe ‘Lau-m tonec nên namba kêlêlêc aênoc su, oc jajanda êsêac amboac ondocgen.’

18 Ôtêc êsêac atom. Taêm ênam gên, tañ Apômtau, aômnmêm Anôtô, gêgôm gêdên Parao to gamên Aiguptunja samucgen nañ.

19 Taêm ênam gêñwapac to gêñsêga ma gêñtalô, tañ matamanô gôlic nañ, ma taêm ênam Apômtau, aômnmêm Anôtô, lêma njaña, tañ kêmêtôc ma gêwê aôm kôsa gômôên nañ. Apômtau, aômnmêm Anôtô, oc êngôm lau-m samob, tañ aôm kôtêc êsêac nañ, êtôm tonanjen.

20 Ma en êngôm gên tenj êlêlêc su êwiñ, en êsakiñ banic kapôên-kapôên êndên êsêac e onsenj lau njañoc, tañ gacgenj sêmoa to sêsij tauñ êndên aôm nañ, su amboac tonanjen.

21 Ôtêc êsêac atom, gebe Apômtau, aômnmêm Anôtô, gêmoa aôm njalêlôm. En Anôtô kapôên ma kaiñ tenj.

22 Ma Apômtau, aômnmêm Anôtô, oc êtij lau-m tonanjen su malô-malô êmuñ aôm. Aôm oc ôtôm gebe onsenj êsêac su sep tagen atom. Embe ôngôm, oc bôc saleñja têtû taêsam ma sêkênj wapac aôm.

23 Mago Apômtau, aômnmêm Anôtô, oc êkênj êsêac sêsêp aôm lêmam ma êlênsônj êsêac e nên meloco êsa ma sênaña.

24 Enj oc êkênj êsêacnênj kiñ sêsêp aôm lêmam ma aôm onsenj êsêacnênj njaê su anja nom. Nac tenj êtôm gebe êkô aôm auc atom e onsenj êsêac samob su.

25 Ôkênj êsêacnênj anôtôi gwam ja êniñ su. Matam

katu silber to gold, tañ kêtû ñakatu tau ñagêlôñ nan, ma ôkôc su atom, gebe oc êtu lakô ênac aômña, gebe Apômtau, aômnnêm Anôtô, gêlic gêñ tonañ amboac gêñ alôb-alôb.

²⁶ Ôkêñ gêñ alôb-alôb êsô nêm andu êna atom. Apômtau kêpuc boa gêñ tau ma eñ oc êpuc boa aôm amboac tonanğen. Ôlic gêñ tau amboac gêñ ñatêmui to alôb-alôb, gebe Apômtau kêpuc boa gêñ tau su.

8

Lau Israel têtap nêñ gamêñ ñajam sa

¹“Ajop ñapep gebe anğôm biñsu samob, tañ galoc kajatu amac nan, ñanô êsa, gebe amoa matem jali to atu taêsam ma asa gamêñ, tañ Apômtau, amacnêm Anôtô, kêtôc lêma gebe êkêñ êndêñ tamemi nan, e awê kainğ gamêñ tau êtu amacnêm gamêñ.

² Ma taêm ênam intêna samob, tañ Apômtau, aômnnêm Anôtô, gêwê aôm gêdêñ tañ gômoe gamêñ sawa kêtôm jala 40 nan, gebe êkôninğ aôm to ênsaê aôm e êjala biñ, tañ gêc nêm ñalêlôm nan, ma êjala aôm oc ôngôm ênê biñsu ñanô êsa me masi.

³ Eñ kêkôninğ aôm to kêkêñ mo gêjô aôm, go kêkêñ mana, tañ aôm gôjam kauc nan, gêdêñ aôm goeñ. Aôm tamamî sêjam kauc mana amboac tonanğen. Eñ gêgôm gêñ tonañ, gebe ôjala gebe mo tagenğ gêôc ñamalac tônğ atom. Biñ samob, tañ kêsa anğa Apômtau awa nanğen, tec gêôc ñamalac tônğ.

⁴ Gêdêñ jala 40 tonañ aômnnêm ñakwê, tañ kôsô nan, kêtû manê atom ma amkainğ kêtinğ atom amboac tonanğen.

⁵ Amboac tonanŋ ôjala ênêc nêrn ñalêlômgenŋ, gebe Apômtau, aômnrnêrn Anôtô, kêrnêtcôm aôm kêtôm ñac tenŋ kêrnêtcôm latu.

⁶ Tec ôngôm Apômtau, aômnrnêrn Anôtô, nê bnrnsu ñanô êsa ma ôsa ênê lêŋ to ôtêc enŋenŋ.

⁷ Bnrñanô, Apômtau, aômnrnêrn Anôtô, gêwê aôm, gebe naô lasê gamêŋ ñajam tenŋ. Bu to bumata kêpoac gamêŋ tau, ma bu kêpulu anŋa gaboanŋ to lôc.

⁸ Gêŋ tokainŋ-tokainŋ gêjam ñanô ñajam anŋa nom tau. Polom to janŋom ma wain to jambô ma ainŋ to katêkwi ma lêp.

⁹ Anŋa gamêŋ tonanŋ aôm ônrnŋ polom e êtc aôm tôŋ ma ôpô lêna gêŋ tenŋ atom. Gamêŋ tau ñapoc gêdêŋ ki jejec ma aôm oc ôkwê ki kokoc anŋa gamêŋ tau ñalôc.

¹⁰ Aôm ônrnŋ gêŋ e êtc aôm tôŋ ma ôlambnrñ Apômtau, aômnrnêrn Anôtô, gebe kêkêŋ gamêŋ ñajam gêdêŋ aôm.

Lau Israel sejob taunŋ gebe sêlnŋ nêŋ Anôtô srñ atom

¹¹ “Ojob taôm gebe ôlnŋ Apômtau, aômnrnêrn Anôtô, srñ atom. Amboac tonanŋ ôngôm ênê bnrnsu to ñagôlnŋ ma jatu, tanŋ galoc kajatu aôm nanŋ, ñanô êsa.

¹² Aôm embe ônrnŋ gêŋ e êtc aôm tôŋ to ôngônŋ andu ñajam, tanŋ kôkwê nanŋ,

¹³ ma embe nêrn bulimakao to domba ñatonŋ têturu taêsam ma nêrn silber to gold êtu kapônŋ to nêrn gêŋ samob êtu taêsam,

¹⁴ go nêrn ñalêlôm etoc tau sa e ôlnŋ Apômtau, aômnrnêrn Anôtô, srñ atom, gebe enŋ tec gêwê aôm kôsa anŋa Aiguptu, tanŋ kêturu andu kapoacwalônŋa nanŋ, gômônŋ.

15 En gêwê aôm golom-golom gamêñ sawa kapôêñ to kainñ tenñ. Moac ñaclai to alidêbu sêmoa gamêñ tau ma bu masi e nom gêôc kêkôc-kêkôc. Mago enñ kêkêñ bu kêsa poctêmui aôm gônôm.

16 En gêlôm aôm aña gamêñ sawa ña mana, tañ tamami sêjam kauc nañ, gebe êkôninñ to ênsaê aôm, ma êmoasinñ aôm êtu ñamu.

17 Ôlic taôm gebe ôsôm binñ tonec ênêc nêmm ñalêlôm gebe Aêñoc ñaclai to lemoc ñajana kêkêñ aê katu ñac tolêlôm, nec atom.

18 Taêm ênam Apômtau, aômnmê Anôtô, gebe enñ tec kêkêñ ñaclai gêdêñ aôm, tec kôtu ñac tolêlôm. Enñ gêgôm gêñ tau gebe êngôm poac, tañ kêmoatinñ gêdêñ tamami nañ, ñanô êsa amboac asaê galoc.

19 Galoc aê jakêñ puc aôm, gebe aôm embe ôlinñ Apômtau, aômnmê Anôtô, sinñ to ôndançuc anôtôi jaba ma ônam sakinñ êsêac to otenñ mec êndêñ êsêac, go ônaña binñanôgeñ.

20 Aôm embe tañam wamu Apômtau, aômnmê Anôtô, awa atom, oc ônaña ôtôm lau tomôkê-tomôkê, tañ Apômtau kêsêlêñ gêmuñ aôm ma gesenñ êsêac su nañ.

9

Apômtau oc enseñ bu-m Kanaanña su

1 “O Israel, ôñô acgom, galoc aôm gobe olom bu Jordan gebe naôsa gamêñ tau ma ôjanda lau tomôkê-tomôkê kapôêñ to ñajana sêlêlêc aôm su ma ôku malac kapôêñ totunbôm balinñ, tañ ñatêpôê jadinñenñ undambê nañ, tulu.

2 Oc ôjanda lau Anakim. Aôm kôjala êsêac gebe lau-m kapôêñ to lau waso-waso. Aôm gônô lau

sêsôm biñ kêpi êsêac gebe ‘Asa oc êtôm gebe êkô ñajaña êtu Anak latuiña.’

³ Amboac tonañ galoc ôjala, gebe Apômtau, aômnêm Anôtô, elom êmuñ aôm. Enj kêtôm ja, tañ kêdanğac gêñ nan. Enj êsêlêñ êmuñ aôm ma ensenj êsêac su to êku êsêac tulu, tec aôm ôjanda êsêac to onsenj êsêac su sebenj êtôm Apômtau, aômnêm Anôtô, gêjac mata gêdêñ aôm.

⁴ “Êndêñ tañ Apômtau, aômnêm Anôtô, êsêlêñ êmuñ aôm ma êjanda êsêac su nan, ôsôm biñ tonec ênêc nêm ñalêlôm gebe Apômtau kêkêñ gamêñ tonec kêtû aêacnêñ gamêñ gêjô aêacnêñ ñajam nec atom. Apômtau êsêlêñ êmuñ aôm to êjanda lau-m tonañ su êtu êsêacnêñ secña.

⁵ Aôm ôsa gamêñ tonec e êtu aômnêm gamêñ êtu nêm biñ gêdêñña me êtu nêm ñalêlôm ñakêñkêñña atom, masianô. Apômtau, aômnêm Anôtô, êsêlêñ êmuñ aôm ma êjanda lau-m tonañ êtu êsêacnêñ secña. Ma teñ, enj gebe êngôm biñ, tañ kêtôc lêma gêdêñ tamami Abraham agêc Isak ma Jakob nan, ñanô êsa.

Lau Israel sêli awen sa anğa lôc Horeb

⁶ “Amboac tonañ ôjala gebe Apômtau, aômnêm Anôtô, êkêñ gamêñ ñajam tonec êtu aômnêm gamêñ êtu nêm biñ gêdêñña atom, gebe aôm ñac gêsômtêkwa ñaton.

⁷ Taêm ênam ma ôliñ siñ atom, gebe gôgôm Apômtau, aômnêm Anôtô, têtac ñandanj kêsa anğa gamêñ sawaña. Gêdêñ tañ awi Aiguptu siñ e mênjaô lasê gamêñ tonec nan, ali awem sa gêdêñ Apômtau ñapan.

⁸ Amac agôm Apômtau têtac nandan kêsa anğa lôc Horeb e têtac nandan njanô ma gebe ensey amac su.

⁹ Aê kapi lôc gaja gebe jakôc poc tapa. Poc tapa tau poac, tañ Apômtau kêmoatinj gêdêñ amac nañ, ñapoc tapa. Aê gamoa lôc gelenña 40 to gêbêcauc 40 ma gaen to ganôm gêñ teñ atom.

¹⁰ Ma Apômtau kêkêñ poc tapa luagêc tonan gêdêñ aê. Anôtô tau lêma keto binj kêsêp. En keto binj samob, tañ kêsôm gêdêñ amac kêsa anğa ja ñalêlôm gêmêñ gêdêñ bêc, tañ akac sa amoa lôc nañ.

¹¹ Gelenña 40 to gêbêcauc 40 gêbacnê, go Apômtau kêkêñ poc tapa luagêc, tañ kêtü poac tau ñapoc tapa nañ, gêdêñ aê.

¹² Go Apômtau kêsôm gêdêñ aê gebe ‘Ajôc, ôndi, ôsêp sebenj ôna, gebe nêma lau, tañ gôwê êsêac anğa Aiguptu sêmêñ nañ, sêgôm sec. Êsêac sêwi intêna, tañ aê kajatu êsêac gebe sêsa nañ, sinj sebenj. Êsêac sêpac ki gêwê ma sêmasañ nêñ ñakatu teñ.’

¹³ “Ma Apômtau kêsôm binj teñ gêwinj gêdêñ aê gebe ‘Aê galic lau tônê ma kajala êsêac gebe lau gêsuntêkwa ñatonj sec.

¹⁴ Ôwi aê sinj gebe jansenj êsêac tonêñ ñaêgenj su anğa umbonj ñalabu. Go jakêñ aôm ôtu lau-m kapôêñ to ñajaña ôlêlêc êsêac su.’

¹⁵ Amboac tonan aê kasêp anğa lôc gamêñ, ma ja kêsa lôc tau. Ma aê kakôc poac ñapoc tapa luagêc ña lemoc lulugenj.

¹⁶ Go galic gêñ tau. Amac agôm sec gêdêñ Apômtau, amacnêma Anôtô. Amac apac ki gêwê ma amasanj nêma bulimakao ñalatu ñakatu to awi intêna, tañ Apômtau kêjatu amac gebe asañ nañ, sinj sebenj.

17 Tec aê kakôc poc tapa luagêc tau ña lemoc lulugen ma kabaliñ gêñ tau siñ e gêjac popoc gêc amac lañômnêmña.

18 Go aê gau tau gaêc Apômtau lañônêmña gelen 40 to gêbêcauc 40 kêtôm gagôm gêdêñ ñasawa ten su. Aê gaen to ganôm gêñ ten atom kêtú amacnêm sec samob, tañ agôm nañña. Amac asa lêñ, tañ gêjac Apômtau mataanô ñajam atomanô nañ, e agôm en têtac ñandan kêsá.

19 Gebe aê katêc Apômtaunê têtac ñandan to têtac kêbôli auc gêdêñ amacña, tañ kêkac en gebe enen amac su nañ. Mago Apômtau kêkêñ taña aê gêdêñ ñasawa tonañ kêtiam.

20 Ma Apômtau têtac ñandan gêdêñ Aron gêwiñ ma gebe enen en su amboac tonanjen. Tec gêdêñ ñasawa tonañ katen en kêtú Aronña gêwiñ.

21 Go aê kakôc bulimakao ñalatu, amac lemem ñakôm sec tonañ ma kakêñ ja gen, go katuc popoc ma kalêsim e kêtôm kekop, ma kapalip ñakekop tau kêsêp bu, tañ keselen anga lôc kêsêp gêmêñ nañ.

22 “Anga Tabera to Masa ma Kibrot-Hatawa amac agôm Apômtau têtac ñandan kêsá amboac tonanjen.

23 Ma gêdêñ tañ Apômtau kêsakiñ amac anga Kades-Barnea nañ, kêsôm gebe ‘Api ana ma akôc gamêñ, tañ kakêñ gêdêñ amac, gebe êtu amacnêm gamêñ nañ,’ amac ali awem sa gêdêñ Apômtau, amacnêm Anôtô, nê biñsu ma akêñ gêwiñ en to tanem wamu en awa atom.

24 Aê kajala amac ali awem sa gêdêñ Apômtau wanêcgen e mênghêdêñ galoc.

25 Amboac tonañ aê gau tauc gaêc Apômtau lañônêmña kêtôm gelenña 40 to gêbêcauc 40, gebe

Apômtau kêsôm, gebe oc onsen amac su.

²⁶ Ma aê katen mec gêdên Apômtau gebe ‘O Apômtau Anôtô, onsen nêl lau to nêl gênlênsêl su atom. Aôm gôjam êsêac kêsi ña nêl ñaclai kapôên to gôwê êsêac ña lêmam ñajaña sêsa anga Aiguptu sêmên.

²⁷ Taêm ênam nêl sakinwaga Abraham agêc Isak ma Jakob. Matam ê lau tonan nên gêsuntêkwa ñaton to nên geo ma nên sec atom,

²⁸ gebe lau anga gamên, tan aôm gôwê aêac asa amên nan, oc sêsôm gebe “Êsêacnên Anôtô kêtôm, gebe êwê êsêac nasêo lasê gamên, tan gêjac mata gêdên êsêac nan, atom. En têtac gedec êsêac, tec gêwê êsêac sêsa gamên sawa sêja, gebe ênac êsêac êndu anga tônê.”

²⁹ Mago êsêac têtul nêl lau to nêl gênlênsêl sugac. Aôm kômêtôc lêmam ma gôwê êsêac ña nêl ñaclai kapôên sêsa sêmên.’

10

Apômtau kêmasan poc tapa kêtul luagêcña

¹ “Gêdên ñasawa tonan Apômtau kêsôm gêdên aê gebe ‘Ôpa poc tapa luagêc êtôm ñamataña, go ôpi lôc ôndên aê ômôên ma ômansan katapa ten ña ka.

² Ma aê gabe jato bin, tan katô kêsêp poc tapa ñamataña, tê gôjac popoc nê, êsêp poc tapa tau su, go ôkên êsêp katapa tau.’

³ Tec aê kamasan katapa ña kalelon ma kapa poc tapa luagêc kêtôm ñamataña, go kakôc poc tapa luagêc tau ña lemoc ma kapi lôc gaja.

⁴ Ma en keto bin kêsêp poc tapa tonan kêtôm keto kêsêp poc tapa ñamataña. Apômtau keto binsu 10,

tañ kêsôm gêdêñ amac kêsa anğa ja ñalêlôm gêmêñ gêdêñ tañ akac sa amoa lôc nañ. Keto su, go kékêñ gêdêñ aê.

⁵ Go kakac tauc ôkwi ma kasêp anğa lôc gamêñ e kakêñ poc tapa luagêc kêsêp katapa, tañ kamasan nañ. Poc tapa gêc katapa gêc, kêtôm Apômtau kêjatu aê.”

⁶ (Lau Israel dêdi anğa Berot-Bene-Jakan sêsêlêñ sêja jasêsa Mosera. Anğa tônê Aron gêmác êndu.

⁷ Anğa tônê êsêac dêdi jasêsa Gudgoda. Anğa Gudgoda êsêac dêdi jasêsa Jotbata, anğa gamêñ tonañ bu ñagêdô kêpoac.

⁸ Gêdêñ ñasawa tonañ Apômtau kêjaliñ Lewiné gôlôacmôkê sa, gebe sêmbalañ Apômtaunê katapa poacña ma sêkô Apômtau lañônêmña to sênam sakin eñ ma sênam mec lau ña ênê ñaê. Kôm tonañ êsêac sêjam e mênğêdêñ galoc.

⁹ Kêtu tonañña Lewi gêwê kain nom to gênğlênsêm gêwiñ nê lasitêwai atom. Apômtau tau kêtu nê gênğlênsêm kêtôm Apômtau, aômñêm Anôtô, tau kêsôm gêdêñ eñ.)

¹⁰ “Aê gamoa lôc gelañña 40 to gêbêcauc 40 kêtôm ñamataña ma Apômtau kékêñ taña aê gêdêñ ñasawa tonañ kêtiam. Apômtau gebe ensey aôm su atom.

¹¹ Ma Apômtau kêsôm gêdêñ aê gebe ‘Ôndi, ôsêlêñ ômuñ lau tonec gebe sêsa gamêñ, tañ katôc lemoc gêdêñ êsêac tamenji, gebe jakêñ êndêñ êsêac nañ, ma gamêñ tau êtu êsêacnêñ gamêñ.’

Gên, tañ Anôtô taê kêka gebe Israel sênğôm nañ

¹² “O Israel, galoc Apômtau, aômñêm Anôtô, taê kêka gên ondoci anğa aômñêm. Eñ taê kêka tagen tonec gebe ôtêc Apômtau, aômñêm Anôtô, ma ôsa

ênê lêñ samob, têtac êwiñ eñ ma ônam sakin Apômtau, aômnêm Anôtô, tonêm ñalêlôm samuc ma nêm katôm samuc

¹³ ma ômansañ Apômtaunê biñsu to ñagôlin, tañ galoc kajatu aôm nañ, êtu tôñ gebe ômoa ñajamgeñ.

¹⁴ Ôlic acgom, Apômtau, aômnêm Anôtô, kêtú undambê to undambê ñaundambê ma nom to gêñ nomña samob ñatau.

¹⁵ Mago Apômtau kêkêñ nê ñalêlôm gêdêñ tamamigen to têtac gêwiñ êsêacgeñ. Ma eñ kêjalîñ êsêacnêñ wakuc, amac taômgeñ, sa aña lau tomôkê-tomôkê samob nêñ e mênghêdêñ galoc.

¹⁶ Amboac tonañ anam taôm ôkwi e nêm ñalêlôm êtu selec ma awi gêsômtêkwa ñatoñ siñmañ.

¹⁷ Gebe Apômtau, amacnêm Anôtô, eñ anôtôinêñ Anôtô to apômtauinêñ Apômtau. Eñ Anôtô kapôêñ ma ñajaña kainñ teñ. Eñ kêpuc openñ lau atom to gedec lau sêjac papac eñ ña nêñ awa.

¹⁸ Eñ kêmêtôc mosêbu to awêtuc nêñ biñ solopgeñ. Eñ têtac gêwiñ ñac jaba ma kêkêñ mo to ñakwê gêdêñ eñ.

¹⁹ Amboac tonañ têtac êwiñ lau jaba amboac tonañgeñ, gebe amac amoa amboac lau jaba gêdêñ tañ añgôñ gamêñ Aiguptuña nañ.

²⁰ Ôtêc Apômtau, aômnêm Anôtô, ma ônam sakin eñ to ôsap eñ tôñ ma otoc lêmam ôsam eñ taugen nê ñaê.

²¹ Eñ kêtú aômnêm lambiñ ñam. Eñ kêtú aômnêm Anôtô, tañ gêgôm gêñsêga kainñ teñ nañ, matamanô gôlic.

²² Aôm tamami sêsêp Aiguptu sêja, êsêac lau 70geñ. Ma galoc Apômtau, aômnêm Anôtô, kêkêñ

aôm kôtu taêsam amboac utitalata undambêja.”

11: 1-32 Mose gêlêj biñ lau Israel gebe sêlinj Anôtônê gêñsêga ñamoasinj sinj atom. Ma enj gêwa sa gêdêj êsêac gebe êsêac embe tanenj wamu Anôtô oc têtap ênê moasinj toê-toê sa.

12

Sênam sakinj Anôtô anja ñamala tagenjen

¹ Go Mose kêsôm gebe “Biñsu to ñagôlinj gebe anjôm ñanô êsa anja gamêj, tanj Apômtau, amac tamemi nêj Anôtô, kêkêj gêdêj amac awê kainj nanj, tau tonec. Ajop biñ tau êndêj bêc samob, tanj amac amoa matem jali anja nom nanj.

² Ansenj tentenlatui, tanj amac oc aku tulu nanj, nêj gamêj sêjam sakinj nêj anôtôi jabaña anja lôc ñatêpôê to ñabau ma ajuñtêna su samucgen biññanô.

³ Akac nêj altar su ma atuc nêj alê popoc to akêj ja êniñ nêj ñakatu Aseraña ma amakinj nêj anôtôi nêj ñakatu to ansenj êsêacnêj ñaê su anja gamêj tonanj.

⁴ Amac anjôm êndêj Apômtau, nêj Anôtô kêtôm êsêac sêgôm nanj, atom.

⁵ Mago amac oc andêj gamêj, tanj Apômtau, êjalij sa êtu amacnêj gôlôacmôkê samob nêj nanj, gebe êtu ênê ñaê ñamala.

⁶ Andêj gamêj tonanjenj ajonj nêj daja to da ñagêdô ma nêj gêj lemenju-lemenju ñatagenj-tagenj ñada to nêj da samob, tanj abe akêj nanj, ma da danje to da tôpña ma da bôc ñamêc samobña ana.

⁷ Ma anja tonanj amac anij gêj amoa Apômtau, nêj Anôtô lanjônêmña to atu samuc to nêj

gôlôacŋa êtu gêŋ samobŋa, taŋ agôm ma Apômtau gêjam mec amac naŋ.

⁸ Anğôm gêŋ tau êtôm aêac dagôm gêdêŋ ocsalô tonec nec atom, gebe amac samob agôm nêŋ gêŋ kêtôm taôm taêm gêjam to alic ŋajam naŋ.

⁹ Gebe amac jaalêwaŋ taôm to atap nêŋ nomlênsêŋ, taŋ Apômtau, nêŋ Anôtô gebe êkêŋ êndêŋ amac naŋ, sa su atom tagenŋ.

¹⁰ Mago embe alom bu Jordan ma anğôŋ gamêŋ, taŋ Apômtau, nêŋ Anôtô êkêŋ êndêŋ amac awê kaiŋ naŋ, ma enseŋ amacnêŋ ŋacjo samob, taŋ sêŋgi amac auc naŋ, su gebe alêwaŋ taôm e amoa towamagenŋ.

¹¹ Go akôc nêŋ gêŋ samob, taŋ kajatu amac naŋ, amêŋ gamêŋ tau, taŋ Apômtau, nêŋ Anôtô, êjaliŋ sa gebe êtu êné ŋaê ŋamala naŋ. Akôc nêŋ daja to da ŋagêdô ma nêŋ gêŋ lemenlu-lemenlu ŋatagenŋ-tagenŋ ŋada to nêŋ da, taŋ ŋalêlôm êkac amac gebe akêŋ naŋ, to da, taŋ akêŋ êtu danje to tôp anac mata êndêŋ Apômtau naŋ.

¹² Ma amac to nêŋ latômio to ŋac ma nêŋ sakiŋwagao to ŋac ma lau Lewi, taŋ sêŋgôŋ nêŋ malac, mago sêwê kaiŋ nomlênsêŋ sêwiŋ amac atom naŋ atu samuc Apômtau, amacnêŋ Anôtô.

¹³ Ojop taôm gebe ôkêŋ nêŋ daja anğa gamêŋ, taŋ ôlic naŋ paliŋ-paliŋgenŋ atom.

¹⁴ Ôkêŋ nêŋ daja anğa gamêŋ tagenŋ, taŋ Apômtau oc êjaliŋ sa anğa nêŋ gôlôacmôké nêŋ tenŋ. Anğa tonan amac akêŋ nêŋ daja ma anğôm gêŋ samob, taŋ kajatu amac naŋ, ŋanô êsa.

¹⁵ “Mago aôm ôtôm gebe ômbuc to ôniŋ ŋamêsôm anğa nêŋ malac samob êndêŋ-êndêŋgenŋ êtôm nêŋ

ɲalêlôm êkac aômɲa ma êtôm moasiɲ, taɲ Apômtau, nêm Anôtô kêkêɲ gêdêɲ aôm. Lau selec to selec atom naɲ lulugeɲ têtôm gebe sêniɲ tonai amboac noniɲ saleɲɲa to mojava.

16 Tagerɲ dec tec ôniɲ atom, ôkêc siɲ êsêp nom amboac kôkêc bu siɲ.

17 Aôm ôniɲ polom ma ônôm wain to katêkwi lemenlu-lemenlu ɲatagerɲ-tagerɲ aɲga nêm malac atom. Ma ôniɲ bulimakao to domba ɲamêc ma da daɲge to da, taɲ nêm ɲalêlôm êkac aômɲa gebe ôkêɲ naɲ, ma gêɲ ɲagêdô, taɲ gobe ôkêɲ êtu da naɲ, aɲga nêm malac atom amboac tonaiɲgeɲ.

18 Mago aôm to nêm latômio to ɲac ma nêm sakiɲwagao to ɲac ma ɲac Lewi, taɲ êɲgôɲ nêm malac êwiɲ aôm naɲ, aniɲ amoa Apômtau, nêm Anôtô laɲônêm aɲga gamêɲ, taɲ Apômtau, nêm Anôtô êjaliɲ sa ma amac atu samuc amoa Apômtau, nêm Anôtô laɲônêmɲa êtu lememe ɲakôm ɲanôɲa.

19 Ajop taôm gebe aliɲ nêm ɲac Lewi siɲ êndêɲ ɲasawa samucgeɲ, taɲ amoa nêm gamêɲ naɲ atom.

20 “Apômtau, nêm Anôtô embe êkêɲ gamêɲ esewec êtu kapôêɲ êtôm eɲ gêjac mata gêdêɲ aôm ma bôc êjô aôm e ôsôm gebe ‘Aê gabe janiɲ bôc,’ naɲ ôniɲ êtôm ɲalêlôm êkac aômɲa.

21 Mago gamêɲ, taɲ Apômtau, nêm Anôtô êjaliɲ sa gebe ênê ɲaê ênêc aɲga tonai naɲ, ênêc jaêcgeɲ êlêlêc aôm, go aôm taôm ôtôm gebe ômbuc nêm bôc teɲ, taɲ Apômtau êkêɲ êndêɲ aôm êtôm aê kajatu aôm naɲ. Ma aôm ôtôm gebe ôniɲ aɲga taômnêm malac êtôm nêm ɲalêlôm êkac aômɲa.

22 Ôniɲ amboac sêniɲ noniɲ saleɲɲa to mojava. Lau selec me selec atom lulugeɲ têtôm gebe sêniɲ.

23 Mago ojop gebe ôniņ dec êwiņ atom gebe tamoa materj jali ņam kêsêp dec ņalêlôm, tec ôniņ materj jali ņam êwiņ ņamêsôm atom.

24 Ôniņ atom, ôkêc siņ amboac tasêwa bu siņ êsêp nom.

25 Ôniņ atom. Embe ôņgôm gêņ, taņ ênac Apômtau mataanô ņajam, go aôm to nêw wakuc amoa ņajam.

26 Mago gêņ, taņ aôm gôjac mata ma gôjam dabuņ gêdêņ Apômtau naņ, aôm ôkôc ôna gamêņ, taņ Apômtau êjaliņ sa naņ.

27 Ma ôkêņ nêw daja ņamêsôm to dec ênsac Apômtau, nêw Anôtô nê altar ņaô. Dec tau oc sêkêc êpi Apômtau, nêw Anôtô nê altar, mago ņamêsôm tau aôm ôtôm gebe ôniņ.

28 Mago ojop taôm to ôkêņ taņam biņ samob, taņ kajatu aôm naņ ņapep. Embe ôņgôm gêņ samob, taņ Apômtau, nêw Anôtô êlic to ênac eņ mataanô ņajam naņ, go aôm to nêw wakuc amoa ņajam ņapaņgeņ.”

Jao kêtı lau samuc nêņ sakiņ anôtôı jabaņa

29 “Êndêņ taņ Apômtau, nêw Anôtô, enseņ ten-tenlatui êmuņ aôm aņa gamêņ, taņ aôm ôsêlêņ ôsa gebe ôku êsêac tulu naņ, ma êndêņ taņ aôm ôku êsêac tulu ma ôņgôņ nêņ gamêņ naņ,

30 go ojop taôm gebe lakô, taņ gêjac êsêac naņ, ênac aôm atom. Apômtau êku êsêac tulu êmuņ aôm, tec ôtêku êsêac ma ôkip êsêacnêņ anôtôı jaba ņam sa atom. Mago asôm biņ tonec gebe ‘Lau tonaņ sêjam sakiņ nêņ anôtôı amboac ondoc. Aê gabe jaņgôm êtôm êsêac sêgôm nê atom.’

31 Ôņgôm tonaņ êndêņ Apômtau, nêw Anôtô atom. Êsêac sêgôm gebe gêņ samob, taņ Apômtau,

nêm Anôtô têtac gedec ma gêlic amboac gêñ alôb-alôb nañ, gêdêñ nêñ anôtôi jabaña. Êsêac sêkêñ nêñ latunjo to ñac ja geñ kêtú tetoc nêñ anôtôi jaba saña su.

³² Gêñ samob, tañ aê kajatu aôm gebe ôñgôm nañ, ôñgôm ñanô êsa ñapepgeñ. Ônac têku biñ teñ ma onseñ biñ teñ su atomanô.

13

¹ “Embe propete teñ êndi sa anğa amac ñalêlôm me ñac teñ, tañ gêc mê nañ, êtôc gêñsêga me gêñtalô teñ êndêñ aôm

² ma gêñsêga to gêñtalô, tañ eñ kêtôc gêdêñ aôm nañ ñanô êsa ma eñ embe êsôm gebe ‘Tandañguc anôtôi jaba ñagêdô ma tanam sakiñ êsêac’, tañ ajam kauc êsêac gêmuñ nañ,

³ go ôkêñ tañam propete me ñac tañ gêc mê tonañ nê biñ atomanô, gebe Apômtau, amacnêm Anôtô kêsaê amac e ajala gebe têmtac gêwiñ Apômtau, nêm Anôtô tonêm ñalêlôm samuc ma nêm katôm samuc me masi.

⁴ Andañguc Apômtau, nêm Anôtô ma atêc eñ to ajop ênê biñsu ma tañem wamu ênê awa to anam sakiñ eñ ma asap eñ tôñ.

⁵ Mago propete me ñac, tañ gêc mê tonañ êmac êndu gebe eñ gêli nêm ñalêlôm sa gêdêñ Apômtau, amacnêm Anôtô, tañ kêkôc amac su anğa gamêñ Aiguptuña ma gêjam aôm kêsi anğa andu kapoacwalôña nañ, ma eñ kêkêli aôm gebe ôwi lêñ tau, tañ Apômtau, nêm Anôtô kêjatu aôm gebe ôsa nañ siñ. Amboac tonañ aôm onseñ sec, tañ gêc amac ñalêlôm nañ su.

⁶ “Lasim, tênam latu me nêm latômo to ñac me nêm awê, tañ têtmac gêwiñ eñ nañ, me nêm ñac teñ, tañ gôlic eñ amboac taômnêm ñatê ñagêdô nañ embe êlêtôm aôm kelecgeñ ma êsôm gebe ‘Tana ma tanam sakiñ anôtôi jaba mañ’

⁷ lau tañ sêngôñ sêgi aôm auc sêngôñ dambê me jaêc me sêmoa nom ñamakeñ tonec me ônê nañ, nêñ anôtôi ñagêdô, tañ aôm me nêm tamamî sêjam kauc nañ,

⁸ go ôkêñ êwiñ eñ me ôkêñ tañam eñ me taêm walô eñ me ônam eñ kêsi me ônsa eñ auc atom,

⁹ mago ônac eñ êndumañ. Aôm lêmam êpi eñ êtu ñamata gebe eñ êmac êndu ma lau samob sênac eñ sêwiñ.

¹⁰ Ôtuc eñ êndu ña poc gebe eñ kêsaê gebe êkac aôm su anğa Apômtau, nêm Anôtô, tañ kékôc aôm kôsa anğa gamêñ Aiguptuñ, anğa andu kapoacwalôña nañ.

¹¹ Go lau Israel samob sêñô biñ tonañ e têtêc tañ gebe sêngôm gêñ teñ amboac tonañ anğa amac ñalêlôm êtiam atomanô.”

13:12–18:13 Biñsu to ñagôliñ, tañ ênam gôliñ lau Israel nêñ lêñ nomña to nêñ sakiñ omña nañ, ñakôniñña kêsêp môkêlatu tonec.

18

Anôtô gêjac mata propete teñ amboac Mose. Propete ñanô to propete dansañ

¹⁴ “Go Mose kêsôm gebe “Lau tañ aôm ôkôc nêñ gamêñ su nañ, samob sêkêñ tañeñ gêdêñ lau-seoc-biñ-lasêwaga to mectomañ, mago Apômtau, nêm

Anôtô, kékêñ gêwiñ gebe ôñgôm gêñ amboac tonañ atom.

¹⁵ Apômtau, nêñ Anôtô, oc êñu nêñ propete teñ sa anğa nêñ lasitêwai nêñ êtôm aê. Akêñ tanjem enmañ.

¹⁶ Biñ tonañ aôm taôm koten anğa Apômtau, aômñêñ Anôtô nê gédêñ noc akac saña anğa lôc Horeb. Aôm kôsôm gebe 'Aê gabe jañô Apômtau, aêñoc Anôtô, nê awa êtiam atom to jalic ja kapôêñ tonec êtiam atom, gebe jamac êndu atom.'

¹⁷ Ma Apômtau kêsôm gédêñ aê gebe 'Biñ samob, tañ êsêac sêsôm nañ, sêsôm jagédêñgeñ.

¹⁸ Aê oc jañu êsêacnêñ propete teñ sa anğa nêñ lasitêwai nêñ êtôm aôm, ma jakêñ ñoc biñ êsêp en awasun ma êsôm biñ samob, tañ jajatu en nañ, êndêñ êsêac sêñô.

¹⁹ Ma lau samob, tañ sêkêñ tañen aêñoc biñ, tañ en oc êsôm ênam aê aoc nañ atom, aê tauc oc jajatu êsêac gebe sêwa nêñ biñ sa.

²⁰ Mago propete teñ embe êsôm biñ, tañ kajatu nañ atom ênam aê aoc, me êsôm biñ ênam anôtôi jaba awen nañ, propete tonañ en êmac êndu ênaña.'

²¹ Aôm embe taêm ênam ênêc nêñ ñalêlômgeñ gebe 'Aêac tajala biñ, tañ Apômtau kêsôm atom nañ, êpi asagen',

²² go anô acgom, propete teñ embe êsôm biñ ênam Apômtau awa, mago biñ tau êtu anô me êtu tôñ atom, go ajala gebe biñ tonañ Apômtau kêsôm atom. Propete amboac tonañ ketoc tau sa, tec ôtêc en atom."

19:1-14 Mose kêjatu nê lau gebe sêjaliñ malac ñagêdô sa anğa Kanaan êtu malac lamunja. Lau tañ sêjac ñamalac teñ êndu, mago sêgôm amboac lêlêgeñ

naŋ têtôm gebe sê lamu malac tonan ma lau-sêkac-kamocgôcwaga têtôm gebe sênac êsêac êjô atom.

19

Lau-sêwa-biŋ-sawaga nêŋ ŋagôliŋ

¹⁵ Go Mose kêsôm gebe “Ŋac teŋ embe êŋgôm sec teŋ ma êtap ŋakeso to geo teŋ sa, go ŋac-gêwa-biŋ-sawaga tagenŋen êtôm atom gebe eŋ taugen êwa biŋ tonan sa. Ŋac luagêc me têtêac, taŋ sêŋô to sêlic gêŋ tau sêwiŋ naŋ, sêpuc biŋ tau têt amboac tonanŋen acgom.

¹⁶ Embe ŋac-êwa-biŋ-sawaga alôb-alôb teŋ êndi sa ma êŋga biŋ teŋ êpi ŋac teŋ gebe kêgêli biŋsu,

¹⁷ go ŋac tobiŋ lulugen mênșêkô Apômtau laŋônêm ma dabuŋwaga agêc mêtôcwaga, taŋ sênam kôm êndêŋ bêc tonan naŋ, sêwiŋ êsêagêc.

¹⁸ Lau mêtôcwaga sêkip biŋ sa ŋapepen ma ŋac-gêwa-biŋ-sawaga embe ŋac dansan teŋ ma êŋga biŋ eso,

¹⁹ go amac aŋgôm gêŋ, taŋ eŋ taê gêjam gebe êŋgôm êndêŋ nê lasitêwa naŋ, êpi eŋ taugen ma onsen gêŋ sec, taŋ gêc amac ŋalêlôm naŋ, su amboac tonanŋen.

²⁰ Ma lau ŋagêdô sêŋô ma têtêc taun gebe sêŋgôm gêŋ sec teŋ amboac tonan ênêc amac ŋalêlôm êtiam atom.

²¹ Têmtac êtu lêsi atom. Ŋamalac êjô ŋamalac. Mataanô êjô mataanô. Ma lulun êjô lulun to lêma êjô lêma ma akaiŋ êjô akaiŋ.”

20:1–23:20 Biŋsu ŋagêdô ŋakôninŋa kêsêp môtêlatu tonec. Biŋsu ŋagêdô kêkanôn biŋ siŋŋa, ŋagêdô kêmasan biŋ gêŋlênsêmŋa, ŋagêdô gêwa

lauo to ñac nêj lêj sêmoa sêwiñ taun tonêj ñalêlôm ñawagenña sa.

24

Lauo to ñac nêj biñ sêwi taun siñña

¹ “Ñac teñ embe ênam awê sa ma êmoa êwiñ en e awê tau ênac ñac mataanô ñajam atom, gebe kêtap awênê keso kain teñ sa, nañ eto papia sêwi taun siñña teñ ma êkêñ êsêp awê tau lêma to êsakin en êwi ênê andu siñ.

² Ma awê tau embe êwi ñacnê andu siñ ma ênam ñac wakuc teñ,

³ ma ñac wakuc tau embe endec en to eto papia sêwi taun siñña ma êkêñ êsêp awê tau lêma to êsakin en êwi ênê andu siñ amboac tonañ, me ñac wakuc, tañ gêjam en kêtú nê awê nañ, embe êmac êndu,

⁴ go awênê akwen ñamataña, tañ kêsakin en gêc gêja nañ, ênam awê tau êtu nê awê êtiam atom, gebe awê kêtú sec su. Apômtau gêlic gêñ amboac tonañ kêtôm gêñ alôb-alôb. Anğôm gamêñ, tañ Apômtau, amacnêñ Anôtô, kêkêñ gêdêñ amac kêtú nêñ nomlênsêñ nañ, êtu sec atom.

⁵ “Ñac, tañ gêjam awê wakucgen nañ, ênac siñ êwiñ siñwaga to êwê kain kôm gôlôacña teñ atom. En êmoa ñaôma jala samuc teñ, gebe êsêagêc nê awê, tañ gêjam nañ, têtú samuc taun.

⁶ “Aôm embe ôkêñ gêñ teñ êndêñ ñac teñ êtu ênê tôp, nañ ôkôc ênê poc êlai polomña êtu kamaclauñ atom. Embe ôñğôm amboac tonañ, oc ôkôc ênê gêñ, tañ êpuc en têtú gebe êmoa mata jali nañ su.

⁷ “Ñac teñ embe êjanğo ñac Israelña teñ su ma êkêñ en êtu gêñôma me êkêñ lau sênam ôli en, nañ

en êmac êndu. Ôngôm amboac tonan gebe onsen lên sec tonan su anja nê m ñalêlôm.

8 “Embe kamocbôm êngôm aôm, nan ojop taôm gebe ôndançuc bin samob, tan dabunwaga sêsôm êndên aôm nan. Ôngôm êsêacnên bin ñanô êsa tomalagen êtôm ñagôlin, tan aê kakên gêdên êsêac nan.

9 Taêm ênam gên, tan Apômtau, nê m Anôtô, gêgôm gêdên Miriam gêdên tan amac asa anja Aiguptu amên nan.

Bin su ñagêdô

10 “Aôm nê m ñac wachan aôm ña embe êpô lêna gên ten ma eten aôm, gebe ônam en sa e tau êtap gên sa gebe êkên êjô gên, tan kêkôc anja aôm nê m nan, go ôpi ênê andu ôna ma ôkôc tôp ñakamaclauñ atom.

11 Ôkô olonçen, ma ñac, tan keten gên anja aôm nê m nan, êkôc kamaclauñ êndên aôm êwac.

12 En embe ñac ñalêlôm sawa ma êkên nê ñakwê êtu kamaclauñ, go ônêc bêc tonakwê tau atom.

13 Êndên tan oc naêsêp nan, ôkên ênê kamaclauñ êmu êndên en êna, gebe ênêc bêc tonê ñakwêgen ma ênam mec aôm. Embe ôngôm amboac tonan, go Apômtau, aôm nê m Anôtô, êlic aôm amboac ñac gêdên.

14 “Ôkônin sakinwaga ñalêlôm sawa, tan kêpô lêna gên ma gêjam kôm kêtú ñaôlinan nan, atom. Sakinwaga tau embe nê m lasitêwa ten, me ñac jaba ten, tan gêngôñ nê m malac nan, ôkônin en atom.

15 Oc êsêp atomçen, ma ôkên ñaôli êndên en êjô ênê kôm bêc tonan ña su. Gebe en ñac ñalêlôm sawa, tec kêkên mata ñaôli tau. Embe ôngôm atom, oc en awa ênac Apômtau êtu aôm ña e aôm ôwê kain sec.

16 “Lau sênac tamenj êndu sêjô latunj nêj geo atom ma sênac latunj êndu sêjô tamenjinêj geo atom. Lau sênac lau êndu êtu tauj nêj secnagenj.

17 “Ônam ñagôlij mêtôcña ôkwi êndênj tanj ômêtôc ñac jaba to mosêbu nanj atom ma ôkôc awêtucnê ñakwê êtu kamaclauj atom.

18 Taêm ênam acgom, anja gamêj Aiguptuña aôm kêtû gêñôma e Apômtau, aômnêm Anôtô, gêjam aôm kêsi anja tônê. Kêtû tonanña aê kajatu aôm, gebe ôngôm biñ tonec ñanô êsa.

19 “Aôm embe ônac kôm ñanô sa ma ôlij polom lagic tej siñ êkô kôm, go ômu ôna gebe ôkôc gêj tau atom. Gêj tau êtu lau jaba to mosêbu ma awêtuc nêj gêj, gebe Apômtau, aômnêm Anôtô, ênam mec aôm to lêmam ñakôm samob.

20 Ma embe okolonj katêkwi ñalêwê su, go okolonj ñakôninña êtiam atom. Kañanô ñagêdô tonanj êtu lau jaba to mosêbu ma awêtuc nêj gêj.

21 Ma embe ojonj wain ñalêwê anja kôm wainña sa, go amboac tonanjenj, ojonj ñakôninña êtiam atom. Ñanô ñagêdô tonanj êtu lau jaba to mosêbu ma awêtuc nêj gêj.

22 Taêm ênam acgom, anja Aiguptu aôm kêtû gêñôma, kêtû tonanña aê kajatu aôm, gebe ôngôm biñ tonec ñanô êsa.

25

1 “Embe ñac luagêc nêj biñ tej êlênsônj, go sêna sêmêtôc biñ ñamala, ma mêtôcwaga sêmêtôc êsêagêc. Êsêac sêwi ñac tobiñ masi siñ ma sêkênj ñagêjô êndênj ñac tobiñ.

² Mêtôcwaga embe êlic êtôm gebe ñac tobiñ êtap ñandan sa, go êsôm êndên ñac tau, gebe êtap labôc ênêc enj lañônêmña ma si enj ña sêm êtôm ênê keso.

³ Mêtôcwaga êlôc sa gebe si enj êtu dim 40, si enj êlêlêc dim 40 su atom. Embe si enj êlêlêc dim 40 su, go sêngôm aôm lasim tonan maja êsa.

⁴ “Akic bulimakao kapoac, tan kêka polom ñanô gêmoa nan, awasun auc atom.

Lasi ênam têwanê awêtuc ñabiñsu

⁵ “Lasitêwai ñagêdô embe sêngôn andu tagen ma ten embe latu masi ma êmac êndu, go ñac gêmac nê awêtuc ênam ñac jaba gamên tenña atom. Nê akwen lasi êmoa êwiñ enj e ênam enj êtu nê awê êjô têwa su.

⁶ Awê tau embe êkôc latu ñacsêga, go ñapalê tau êwê kain awênê akwen ñamataña, tan gêmac êndu nan, nê ñaê, gebe ênê ñaê êmbacnê anga lau Israel nêñ atom.

⁷ Ma lasi embe endec ma ênam têwanê awêtuc atom, go têwanê awêtuc êna malacgêdô sêmêtôc biñña ma êsôm êndên laumata gebe ‘Ñoc akwen lasi gedec, gebe têwanê ñaê ênêc tengeñ anga lau Israel nêñ. Enj gedec gebe ênam aê êjô têwa su.’

⁸ Go laumata malacña sêmôêc ñac tau to sêlên biñ enj, ma enj embe êkô ñajaña ma êsôm gebe ‘Aê gadec gebe janam awê tonec,’

⁹ go têwanê awêtuc êndên enj êna anga laumata lañônêmña ma ênu atapa su anga ñac tau akain to êkasôp êpi enj lañôanô ma êsôm gebe ‘Biñ amboac tonan danôm êndên lau samob, tan sendec gebe sêkwê tewenê andu sa nan.’

10 Lau Israel sê ñac amboac tonañ nê gôlôacnêñ ñaê gebe 'Ñac, tañ sênu atapa su nan, nê gôlôac.'

Biñsu ñagêdô

11 "Embe ñac luagêc sênac tauñ sêmoa ma ñac ten nê awê ênsaê gebe ênam nê akwenj kêsî anja né soño-soño nê ma êkôc ñac tau utianô tôn,

12 go taêm walô enj atom, ôndim ênê lêma êngic beb tagen.

13 "Kidêbu kainj luagêc, ñawapac to ñagaô, ênêc nêam atali ñalêlôm atom.

14 Ôkêñ dôñ tanam dôñ gêñña kainj luagêc saunj to kapôênj ênêc nêam andu atom.

15 Ôkôc kidêbu ñanô to jagêdêñ ma dôñ ñanô to jagêdêñ gebe aôm ômoa matam jali balingenj anja gamênj, tañ Apômtau, nêam Anôtô, kêkêñ gêdêñ aôm nan.

16 Apômtau têtac gedec lau samob, tañ sêgôm gêñ dansenj ma sêsau lau nan.

Jatu gebe sêkêñ ñagêjô êndênj lau Amalek

17 "Taêm ênam gêñ, tañ lau Amalek sêgôm gêdêñ aôm gêdêñ tañ kôsa anja Aiguptu gômôênj nan.

18 Êsêac têtêc Anôtô atom ma sêjac sinj gêdêñ aôm gêdêñ tañ aôm têkwam gêbac ma ôlim walô masi nan, ma sêjac nêam lau samob, tañ sênu tauñ su-su sêmoa ñamu nan êndu.

19 Amboac tonañ êndênj tañ Apômtau, nêam Anôtô, êlêwanj aôm anja nêam ñacjo, tañ sêngônj sêngi aôm nan ma êkêñ aôm ôngônj nom êtu têlê, tañ enj gêjac mata gêdêñ aôm gebe êtu nêam lênsêam nan, go onsenj Amalek su e ñamôkê êmakop gebe ñamalac tenj taê

ênam êsêac êtiam atomanô. Ôlinj binj tonan̄ sinj atomanô. * ηawapac̄ηa.

26

Sên̄ij mo lasê to sêkê̄η kôm ηanô ten̄ ηanô-ten̄ ηanô ηagôlin̄

¹ “Êndên̄ taη ô lasê gamên̄ tau, taη Apôm̄tau, aôm̄nêm Anôtô, gebe êkê̄η êndên̄ aôm̄ êtu nêm nomlênsêm naη, ma êndên̄ taη gamên̄ tau êtu aôm̄nêm gamên̄ su e ôngôn̄ ôtu wakac̄ naη,

² ôkôc kôm ηanô samob ηamêc ηagêdô, taη ojon̄ sa an̄ga nêm gamên̄, taη Apôm̄tau, aôm̄nêm Anôtô, êkê̄η êndên̄ aôm̄ naη, ma ôkê̄η êsêp gadob ten̄. Go ôna gamên̄, taη Apôm̄tau, aôm̄nêm Anôtô, oc êjalij sa, gebe êtu ênê ηaê ηamala naη,

³ ma ôndên̄ dabuηwaga, taη sakin̄ bêc tonan̄ηa ênac en̄ ηawae naη, ôna ma ôsôm êndên̄ en̄ gebe ‘Aê mên̄gaô lasê gamên̄, taη Apôm̄tau kêtôc lêma gêdên̄ aêac tamen̄i gebe êkê̄η êndên̄ aêac naη.’

⁴ Go dabuηwaga êkôc gadob su an̄ga lêmam ma etoc ênêc Apôm̄tau, aôm̄nêm Anôtô, nê altar ηanêm̄ηa.

⁵ “Go ôc awam sa ma ôsôm ôkô Apôm̄tau, aôm̄nêm Anôtô, lan̄ônêm̄ηa gebe ‘Aê tamoc en̄ ηac Aram̄ηa, taη kêsêlê̄η gêjac laoc gamên̄gen̄. En̄ kêsêp Aiguptu jagêmoa gamên̄ tau amboac ηac jaba ten̄, nê lau luagêcgen̄. Ma an̄ga tônê en̄ kêtû lau-m kapôê̄η to ηajan̄a ma nê lau têtû taêsam.

⁶ Mago lau Aiguptu sêgôm aêac kwalec to sêkôn̄ij aêac tô̄η ma sejon̄ aêac ηa kolen̄ ηawapac̄ ηanô.

* **25:19:** Kidêbu lau ηanô nê̄η ηaê kêtû dô̄η tanam dô̄η gê̄η

7 Go tamôêc gêdêḡ Apômtau, aêac tameninêḡ Anôtô, ma Apômtau kêkêḡ taḡa aêac awenḡ. Enḡ gêlic aêac tamoa jageo to tajaḡ koleḡ ḡawapac ma sêkôninḡ aêac.

8 Go Apômtau kêmetôc lêma ḡajaḡa to gêwê aêac dawî Aiguptu sinḡ. Enḡ gêgôm gêḡ kainḡ teḡ kêtakê lau ma gêgôm gêḡtalô to gêḡsêga.

9 Ma enḡ gêwê aêac taô lasê gamêḡ tonec ma kêkêḡ gamêḡ tau, taḡ su to lêp keselenḡ naḡ, gêdêḡ aêac.

10 Ma galoc, o Apômtau, aê kakôc nom, taḡ aôm kôkêḡ gêdêḡ aê naḡ, ḡakôm ḡanô ḡamêc gamêḡ. Go otoc gêḡ tau ênêc Apômtau, aômnêḡ Anôtô, laḡônêḡma ma oteḡ mec êndêḡ Apômtau, aômnêḡ Anôtô.

11 Ma aôm to Lewinê gôlôac ma lau jaba, taḡ sêmoa sêwiḡ aôm naḡ, atu samuc gêḡ ḡajaḡ samob, taḡ Apômtau, amacnêḡ Anôtô, kêkêḡ gêdêḡ amac to nêḡ gôlôac samob naḡ.

12 “Êtôm jala têlêac-têlêacgeḡ aôm ôkôc gêḡ 10-10 ḡatageḡ-tageḡ sa ma ôkêḡ êtu da. Embe ôkêḡ da tonanḡ su êndêḡ Lewinê gôlôac to lau jaba ma mosêbu to awêtuc, taḡ sêḡgôḡ nêḡ malac naḡ, sêniḡ e êôc êsêac tôḡ,

13 go ôsôm ôkô Apômtau, aômnêḡ Anôtô laḡônêḡma gebe ‘Aê kakôc gêḡ dabuḡ samob su anḡa ḡoc andu ma kakêḡ gêdêḡ Lewinê gôlôac to lau jaba ma mosêbu to awêtuc kêtôm nêḡ biḡsu samob, taḡ kôjatu aê naḡ. Aê kagêli nêḡ biḡsu teḡ atom to kalinḡ ḡateḡ sinḡ atom amboac tonanḡeḡ.

14 Gêdêḡ taḡ gaôc wapac kêtû ḡacmatêḡa naḡ, gaenḡ gêḡ tau ḡateḡ atom. Gêdêḡ taḡ gamoa selec atom naḡ, kakôc gêḡ teḡ su atom. Ma kakêḡ gêḡ tau

ņaten ķētu da gēdēņ lau ņanô katuņ atom amboac tonanņeņ. Aē taņoc wamu Apômtau, aēņoc Anôtô, awa ma gagôm gēņ samob, kêtôm taņ aôm kôjatu aē nanņeņ.

15 Ôtuc kēniņ aņga nēm andu dabuņ undambēņa ma matam ê aēac ma ônam mec nēm lau Israel to nom, taņ kôkēņ gēdēņ aēac naņ, kêtôm kôtôc lēmam gēdēņ aēac tamemai. Kôkēņ gamēņ, taņ su to lēp keseleņ naņ.’

Apômtaunē lau dabuņ

16 “Ocsalô tonec Apômtau, aômnēm Anôtô, kējatu aôm gebe ôņgôm biņsu to ņagôliņ tonec ņanô êsa, tec ojop taôm gebe ôņgôm biņ tau ņanô êsa tonēm ņalêlôm samuc ma nēm katôm samuc.

17 Ocsalô tonec aôm kôsôm ķētu tôņ, gebe Apômtau ķētu aômnēm Anôtô ma aôm gobe ôsa ênê lēņ to ôņgôm ênê biņsu to ņagôliņ ma jatu ņanô êsa ma taņam wamu eņ awa.

18 Ma ocsalô tonec Apômtau kêsôm ķētu tôņ, gebe amac atu lau, ênê laugac kêtôm gējac mata gēdēņ amac, ma aņgôm ênê biņsu samob ņanô êsa.

19 Eņ oc etoc amac sa alêlêc lau tomôkê-tomôkê samob, taņ eņ kêkēņ naņ, su e sêlambiņ amac to sêsôm amac waem lasê ma tetoc amac sa. Ma amac atu Apômtau, amacnēm Anôtô, nê lau dabuņ êtôm eņ kêsôm su.”

27:1–29:29 Biņ kēpuc boaņa ņagêdô kêsêp ņasêbu tonec. Biņsu kēpuc boa lau, taņ taņeņpêc gēdēņ Apômtaunē biņ naņ. Lau amboac tonanņ têtap nēņ ņagêjô sa. Mago lau taņeņ wamuņa têtap moasiņ sa aņga Apômtaunē. Môkêlatu 29 gējac miņ poac, taņ

Anôtô kêmoini gédêi nê lau anga Moabnêi gamêi kêtiam na.

30

Lêi, ta lau Israel sêsa e Apômtau ênam mec êsêac na

¹ Go Mose kêsôm kêtiam gebe “Êndêi ta bi Anôtô ênam mec to êpuc boa amacna, ta kakêi gêc amac lanômni na, nanô êsa êpi amac, ma amac embe taêm ênam bi ta anga gamêi, ta Apômtau, aômni Anôtô, êjanda amac na, amoa lau tomôkê-tomôkê nalêlôm,

² ma amac to nêni gôlôac amu andêi Apômtau ana to taem wamu ei awa ma angôm bi samob, ta ocsalô tonec kajatu amac na, nanô êsa tonêni nalêlôm samuc ma nêni katôm samuc,

³ go Apômtau, amacni Anôtô, ênam nêni kapoacwalô ôkwi to taê walô amac. Ei êsa amac êli-êli amoa lau tomôkê-tomôkê nalêlôm ma oc ênac amac sa anga lau tomôkê-tomôkê nalêlôm e api tagêi êtiam.

⁴ Apômtau, amacni Anôtô, embe êsa amac êli-êli e naêndêi umboni namadi, oc ênac amac sa ma êkôc amac anga onê êtiam.

⁵ Go Apômtau, amacni Anôtô, êwê amac e aô lasê gamêi, ta tamemi sêwê kai na, gebe êtu amacni gamêi êtiam. Ma ei oc êmoasi amac êlêlêc su to êngôm amac atu taêsam alêlêc tamemi su.

⁶ Ma Apômtau, aômni Anôtô, oc ênam nêni nalêlôm to nêni wakucni nalêlôm ôkwi êtu selec e têtac êwi Apômtau, aômni Anôtô, tonêni

ñalêlôm samuc ma nê m katôm samuc, gebe ômoa matam jali.

⁷ Ma Apômtau, aômnêm Anôtô, oc êsôm biñ êpuc boañ tonañ êpi nê m ñacjo to nê m soño-soño, tañ sêjanda aôm nañ.

⁸ Ma aôm oc tañam wamu Apômtau awa êtiam ma ôngôm ênê biñsu samob, tañ ocsalô kajatu aôm nañ, ñanô êsa.

⁹⁻¹⁰ Aôm embe tañam wamu Apômtau, aômnêm Anôtô, awa to ôngôm ênê biñsu to ñagôlin, tañ teto gêc biñsu ñabuku tonec nañ, ñanô êsa, ma embe ônam taôm ôkwi êndên Apômtau, aômnêm Anôtô, tonêm ñalêlôm samuc ma nê m katôm samuc, go Apômtau, aômnêm Anôtô, êmoasiñ lêmam ñakôm êlêlêc ñêngeñ su. Eñ êmoasiñ nê m wakuc to êmoasiñ nê m bulimakao e têtú taêsam. Ma nê m nom ênam ñanô êlêlêc su. Gebe Apômtau êtu samuc aôm êtiam, tec ênsêwa moasiñ êpi aôm êtôm kêtú samuc tamami.

¹¹ “Gebe biñsu, tañ ocsalô tonec kajatu aôm nañ, ñawapac ñanô kêlêlêc aôm su atom me gêc jaêc aôm atom.

¹² Gêc undambê atom, gebe aôm ôsôm gebe’ Asa êpi undambê êna êjô aêac su naêkôc biñ tau êndên aêac êmên, gebe añô to añgôm ñanô êsa.’

¹³ Me gêc gwêc ñamakeñ ônêña atom, gebe aôm ôsôm gebe ‘Asa elom gwêc êjô aêac su naêkôc biñ tau êndên aêac êmên, gebe añô to añgôm ñanô êsa.’

¹⁴ Masianô, biñ tau gêc aôm ñagala, gêc aôm awamsuñ ma nê m ñalêlôm, tec kôtôm gebe ôngôm ñanô êsa.

¹⁵ “Ôlic acgom, ocsalô tonec aê katoc ôngôn matam jali to moasiñ ma ômac êndú to gêñ sec gêc

aôm lanômnmêḡa.

¹⁶ Aôm embe têtmac êwiḡ Apômtau, aômnmê Anôtô, to ôsa ênê lêḡ ma ôḡgôm ênê biḡsu to ḡagôliḡ ma jatu ḡanô êsa, oc êwa aôm sa gebe taḡam wamu Apômtau, aômnmê Anôtô, nê biḡsu, taḡ ocsalô aê kajatu aôm naḡ. Embe amboac tonanḡ, go ômoa matam jali to ôtu taêsam ma Apômtau, aômnmê Anôtô, oc ênam mec aôm anḡa gamêḡ, taḡ ôsa ôna, gebe ôwê kaiḡ êtu aômnmê gamêḡ naḡ.

¹⁷ Mago aômnmê ḡalêlôm embe eo gala ma embe ôkêḡ taḡam eḡ atom, ôwi eḡ siḡ ma oteḡ mec to ônam sakiḡ êndêḡ anôtôi jaba,

¹⁸ oc ocsalô tonec aê jasôm êndêḡ aôm, gebe oc ônaḡa. Aôm oc ômoa matam jali to ôḡgôḡ gamêḡ, taḡ olom Jordan ma ôsa ôna, gebe êtu aômnmê gamêḡ naḡ, ḡêḡgeḡ atom.

¹⁹ Ocsalô tonec aê jakalem undambê to nom gebe sêlic to sêḡô biḡ sêwiḡ, gebe sêwa aê sa. Aê katoc ômoa matam jali to ômac êndu ma biḡ janam mec to japuc boa aômḡa gêc aôm lanômnmêḡa. Amboac tonanḡ ôjaliḡ ômoa matam jaliḡa sa, gebe aôm to nêḡ wakuc amoa matem jali,

²⁰ ma têtmac êwiḡ Apômtau, aômnmê Anôtô, to taḡam wamu eḡ awa ma ôsap eḡ tôḡ. Biḡ tonanḡ kêtû ômoa matam jali to ôḡgôḡ ḡêḡgeḡ anḡa gamêḡ, taḡ Apômtau kêtôc lêma gêdêḡ tamami Abraham agêc Isak ma Jakob, gebe êkêḡ êndêḡ êsêac naḡ, ḡam.”

31

Josua êjô Mose su

¹ Mose kêsôm biñ tonañ gêdêñ lau Israel samob su,

² go kêsôm biñ tonec gêwiñ gebe “Ocsalô tonec aêñoc jala kêtôm 120. Aêñoc lêñ galoc gêbacnê ma katôm gebe jasô-jasa êtiam atom. Apômtau kêsôm gêdêñ aê gebe ‘Aôm oc olom bu Jordan ôna atom.’

³ Apômtau, aômnêm Anôtô, tau oc elom êmuñ aôm. Eñ êsêlêñ êmuñ aôm ma ensenñ lau tomôkê-tomôkê tonec su, gebe ôjañgo êsêacnêñ gamêñ su. Ma Josua oc elom êtu nêñ ñamata kêtôm Apômtau kêsôm su.

⁴ Ma Apômtau êngôm êsêac êtôm gêgôm lau Amor nêñ kiñ Sihon agêc Og to nêñ gamêñ gêdêñ tañ gesenñ êsêac su nañ.

⁵ Apômtau êkêñ êsêac sêsêp amac lememe ma amac añgôm gêñ êtôm biñsu samob, tañ kajatu amac nañ, êndêñ êsêac.

⁶ Akô ñajana totêmtac êpa sugenñ. Atêc taôm atom ma matem golec êtu êsêacña atom, gebe Apômtau, amacnêm Anôtô, oc êwiñ amac. Eñ êwi amac siñ atom ma êtainñ tau su aña amacnêm atom.”

⁷ Go Mose kêkalem Josua mênkêsôm gêdêñ eñ kêkô lau Israel samob lañôñnêmña gebe “Ôkô ñajana totêmtac êpa sugenñ, gebe aôm ôwiñ lau tonec asa gamêñ, tañ Apômtau kêtôc lêma gêdêñ êsêac tamenji, gebe êkêñ êndêñ êsêac nañ ana. Ma aôm ôkêñ êsêac têtû gamêñ ñatau.

⁸ Apômtau tau êsêlêñ êmuñ aôm. En oc êmoa êwiñ aôm. Eñ oc êwi aôm siñ atom ma êtainñ tau su aña aôm atom. Ôtêc taôm atom ma ôtakê atom.”

⁹ Ma Mose keto biñsu tonec sa ma kêkêñ biñ tau gêdêñ Lewi latui, tañ têtû dabuñwaga ma sêbalan

Apômtaunê katapa poacña nan, to gêdêñ lau Israel nêñ laumata samob.

10-11 Ma Mose kêjatu êsêac gebe “Êtôm jala êtu 7ña samob, êndêñ jala, tañ amac anğamboac gêñôma su nan, asam biñsu tonec lasê êndêñ lau Israel samob sêñô. Asam lasê êndêñ Om Lômbecña, êndêñ tañ lau Israel samob sêkac sa sêkô Apômtau lanğonêmña anğa gamêñ, tañ eñ oc êjaliñ sa nan.

12 Ôkac lau samob sa, lauo to ñacwaga ma gôlôac saun to lau jaba, tañ sêngôn nêñ malac nan, gebe sêñô biñ tau êtu tôn êsêac e têtêc Apômtau, amacnêñ Anôtô, ma sejop tauñ gebe sêngôm biñsu tonec ñabiñ samob ñanô êsa.

13 Êsêacnêñ gôlôac saun, tañ oc sênam kauc biñsu nan, sêñô amboac tonan ma êndôn êsêac gebe têtêc Apômtau, amacnêñ Anôtô, êtu tôn êtôm têm samob, tañ anğôn gamêñ, tañ oc alom Jordan ma naasa, gebe êtu nêñ gamêñ nan.”

Apômtau kêdôn biñ ñamuña gêdêñ Mose

14 Ma Apômtau kêsôm gêdêñ Mose gebe “Ôlic acgom, nêñ bêc ômac ênduña kêdabiñgac. Ômôêc Josua ma agêc naakô bec akac saña ñalêlôm, gebe jakêñ kôm êndêñ eñ.”

15 Tec Mose agêc Josua jasêkô bec sêkac saña ñalêlôm ma Apômtau, geoc tau lasê anğa bec gêmoa tao ñalêlôm. Tao tau kêkô bec tau ñasacgêdô.

16 Ma Apômtau kêsôm gêdêñ Mose gebe “Ôlic acgom, noc kêdabiñ gebe ônêc ôwiñ tamami. Ma lau tonec oc sêñdi to sêngôm mockaiñ êndêñ anôtôi jaba anğa gamêñ, tañ oc sêsa sêna nan. Êsêac sêwi

aê siñ ma sênac ηoc poac, tañ kamoatiñ gêdêñ êsêac nañ, popoc.

17 Êndêñ bêc tônê aê têtac ηandañ êsa êndêñ êsêac. Aê oc jawi êsêac siñ to jansañ lañôcanô auc êndêñ êsêac e sênaña. Sec to gêñwapac tokaiñ-tokaiñ êtap êsêac sa ma êndêñ bêc tônê êsêac sêsôm gebe ‘Apômtau, aêacnêñ Anôtô, gêmoa gêwiñ aêac atom, tec gêñwapac samob tonec kêpi aêac.’

18 Biññanôgeñ, êndêñ bêc tônê aê jansañ lañôcanô auc êtu sec samob, tañ êsêac sêñgôm nañña, gebe êsêac oc sênam tauñ ôkwi dêndêñ anôtôi jaba sêna.

19 Amboac tonañ galoc oto wê tonec sa ma ôndôn wê tau êndêñ lau Israel. Ôkêñ êsêp êsêac awensun ma wê tau êwa aê sa êndêñ lau Israel.

20 Aê oc jakêñ êsêac sêô lasê gamêñ, tañ katôc lemoc gebe jakêñ êndêñ êsêac tamenji, gamêñ, tañ su to lêp keselen nañ. Êsêac oc sêniñ gêñ e êôc êsêac tôñ ma têtôp e nêñ ηadambê kapôên-kapôên acgom, go sênam tauñ ôkwi dêndêñ anôtôi jaba sêna ma sênam sakiñ êsêac. Ma têtin aê su to sênac aêñoc poac popoc.

21 Êndêñ tañ sec to gêñwapac êpi êsêac nañ, wê tonec ênam malô êsêac ma êwa aê sa. Wê tau ênêc nêñ wakuc awengeñ ma sêliñ siñ atom. Biññanô, aê kakêñ êsêac jasêô lasê gamêñ, tañ katôc lemoc, gebe jakêñ êndêñ êsêac nañ atomgeñ, ma kajala biñ, tañ êsêac taêñ gêjam gêc nêñ ηalêlôm nañ.”

22 Amboac tonañ gêdêñ bêc tonangeñ Mose keto wê tau sa ma kêdôn gêdêñ lau Israel.

23 Ma Apômtau kêsakiñ Nun latu Josua ma kêsôm gebe “Ôkô ηajaña to têtmac êpa sugen, gebe aôm oc ôwê Israel latui nasêô lasê gamêñ, tañ katôc lemoc

gebe jakêñ êndêñ êsêac nañ. Aê oc jawiñ aôm.”

²⁴ Gêdêñ tañ Mose keto biñsu tonec ñabiñ kêsêp buku teñ e gêjac dabiñ su nañ,

²⁵ eñ kêjatu lau Lewi, tañ sêbalañ Apômtaunê katapa poacña nañ, gebe

²⁶ “Akôc biñsu ñabuku tonec ma atoc ênêc êsi Apômtaunê katapa poacña, gebe êwa aê sa êndêñ amac.

²⁷ Gebe aê kajala amacnêm ali awem sa to gêsômtêkwa ñatoñ. Alic acgom, galoc aê gamoa matoc jali gawiñ amac, mago ali awem sa gêdêñ Apômtau. Ma embe jamac êndu, oc añgôm taêsam êlêlêc.

²⁸ Akalem nêm gôlôacmôkê ñalaumata to nêm kasêga, gebe jasôm biñ tonec êsô êsêac tañeñsuñ ma jakalem undambê to nom gebe sêñô sêwiñ, ec sêwa aê sa.

²⁹ Aê kajalagac, gebe aê jamac êndu su ma amac oc añgôm sec anac ñawaegen to awi lêñ, tañ kajatu amac, gebe asa nañ siñ. Go êtu ñamu gêñwapac êtap amac sa, gebe añgôm gêñ, tañ ênac Apômtau mataanô ñajam atom nañ. Amac lememe ñakôm oc êñgôm eñ têtac ñandañ êsa.”

Mosenê wê

³⁰ Go Mose kêsôm wê tonec ñabiñ kêsô lau Israel samob, tañ sêkac sa nañ, tañeñsuñ e gêbacnê.

32

¹ “O undambêac, akêñ tañem, aê gabe jasôm biñ, ma nom êñô aê aoc.

² Ñoc mêtê, tañ kadôñ nañ, êsêp amboac kom, ñoc biñ êsêp êmêñ amboac maniñ, êtôm kom, tañ kêmalôm nom

to kêsêli gêgwan.

³ Gebe aê oc jasôm Apômtaunê ñaê lasê.
Atoc aêacnêñ Anôtô samañ.

⁴ “En poctêna. En gêjam nê kôm ñajam êndugeñ,
gebe nê lêñ samob jagêdêñ.
En Anôtô ñañêñ ma nê keso masi,
en ñac gêdêñ to ñakêñkêñ.

⁵ Êsêac, tañ têtú ênê gôlôac nañ,
sêgôm en sec ñanô.

Êsêac lau sec to geo.

⁶ O amac lau meloc to kaucmêac,
amac ajam danje Apômtau ña lêñ amboac tonañ
me.

Amac tamemi en, tañ kêkêñ amac nañ, atom me.
En kêlêsoñ to kêmasañ amac atom me.

⁷ Taêm ênam têm andañgeñña,
asala jala, tañ gôlôac to gôlôac sêmoa nañ.

Ôtu kênac tamam ma en oc êwa sa êndêñ aôm.

Ôtu kênac nêm lau ñanô, go sênac miñ êndêñ aôm.

⁸ Gêdêñ tañ Lôlôc Ñatau kêkêñ nomlênsêm gêdêñ lau
tomôkê-tomôkê samob,

gêdêñ tañ en gêwa ñamalac latuñi kêkôc nañ,
en kêmasañ lau nomña samob nêñ gamên ñamadin
kêtôm Anôtônê añela nêñ namba.

⁹ Mago Apômtau tau tec gêwê kainñ lau tonñ tonñ
tauña,

Jakob kêtú ênê gêñlênsêm.

¹⁰ “En kêtap Jakob sa anña gamêñ sawa
gêngôn gamêñbôm ñakicsêa ñalêlôm,
tec kêkwa en auc to gêlôm en
ma gejob en kêtôm tau nê matalakôp.

11 En kelelo amboac momboan gejob njalatu kékô êsêac naô.

En gêlam nê magê gebe êpuc Jakob tøn, ma kêsip en sa na nê magê.

12 Apômtau taugen gêwê en, anôtô jaba ten gêwin en atom.

13 En gêwê en kêpi nom ngamên nabau ma kékên kôm nanô gédên en gen.

En kékên lêp kêsana anga poc en kêlib to kékên nalêsi kêsana anga poctêmui.

14 En kékên su gêjac anô anga bulimakao ma su nakana anga domba ma nalêsi anga domba njalatu to domba kapoacna.

En kékên bulimakao gamên Basanna to nonin ma polom njam êndu.

Ma kékên wain nanô natêkwi kêtû wain aôm gônôm.

15 “Amboac tonan Jakob gen gêp e gêôc en tøn.

Mago Jesurun kêtôp ma kêtû kapôên to ôli kêpi.

Aôm kôtôp ma kêtû kapôên ma ôlim njawasi.

Go gêwi Anôtô, tan kékên en nan, sin

to kêsû nê poctêna, tan gêjam en kêsana nan, susu.

16 Êsêac sêsap anôtôi jaba tøn, tec bin tonec gêli ênê nalêlôm sa e gêjam lêmu en êsêac.

Êsêac sêgôm gêp alôb-alôb tonan, tec sêlakoc en.

17 Êsêac sêkên da gédên nalau sec, sêkên gédên Anôtô tau atom,

sêkên gédên anôtô jaba, tan êsêac sêjala atom nan,

sêkên gédên anôtôi wakuc, tan galocgen dêdi sa nan.

Amac tamemi têtêc êsêac atomanô.

18 Aôm taêm gêjam poc, tan kêka aôm lasê nan, atom.

Aôm kôlinj Anôtô, tañ kêtû aôm tamam nañ sinj.

19 “Apômtau gêlic binj tonec tec kêtinj êsêac su,
gebe enj latuio to ñac sêgôm enj têtac ñandanj kêsa.

20 Ma enj kêsôm gebe ‘Aê gabe jansanj lanjôcanô auc
êndênj êsêac,
ma jansaê gênj amboac ondoci oc êtap êsêac sa êtu
ñamu.

Gebe êsêac lau geo,
êsêac têtôm ñapalê, tañ sêmoa ñañênj atom nañ.

21 Êsêac sêli ñoc ñalêlôm sa, tec gajam lêmunj êsêac
kêtû gênj, tañ anôtô atom nañña.

Êsêac sêlakoc aê ña nênj gwam.

Amboac tonanj aê oc jali nênj ñalêlôm sa e sênam
lêmunj aê

êtu lau, tañ têtû ñoc lau atom nañña.

Aê oc jalakoc êsêac ña lau-m meloc teñ.

22 Gebe aênjoc têtac ñandanj kêtunj ja teñ gelom,
ma ja tau gelom e gêdênj lamboam ñalêlôm
ma kêkwanam nom to nom ñagênj samob
to kêtunj lôc ñamôkê gelom.

23 “ ‘Aê oc jamboac gênjwapac êpi êsêac ênsac
gênjwapac ñaô
ma japê ñoc sôb samob êpi êsêac.

24 Mo êjô êsêac êndu

ma gêmact ôlinj ñandanjña to gêmact sec gelom-
gelomña ensenj êsêac su.

Aê oc jasakiñ bôc saleñña tolunlunj kainj teñ êndênj
êsêac,

to gênj, tañ kêgalab gêmact nom nañ, ñamalic.

25 Sinj oc ensenj lau, tañ sêmoa awê nañ, su

Ma lau, taŋ semoa balêm ŋalêlôm naŋ, têtakê e sêmac êndu.

Awêtakiŋ to ŋacseŋom ma ŋapalê dedec to lau tomôdê samob oc sênaŋa.

²⁶ Aê gabe jasôm gebe “Aê gabe japa êsêac êliŋ-êliŋ, ma lau nomŋa taêŋ ênam êsêac êtiam atom.”

²⁷ Mago aê katêc ŋacjonêŋ tetoc taŋŋ saŋa, gebe moae êsêacnêŋ ŋacjonêŋ kauc êsa atom. ma taêŋ ênam gebe “Aêac lemeŋ aku êsêac tulu, Apômtau gêgôm tonanŋ atom.” ’

²⁸ “Gebe êsêac lau teŋ, taŋ nêŋ jala masi naŋ, ma sêjala gêŋ teŋ atomanô.

²⁹ Embe nêŋ kauc ênêc, oc sêjala biŋ tonec ŋam ma nêŋ kauc êsa êpi gêŋ, taŋ oc êtap êsêac sa êtu ŋamu naŋ.

³⁰ Lau tau nêŋ poctêna embe êkêŋ êsêac dêndêŋ lau sênam ôli atom, ma Apômtau embe êwi êsêac siŋ atom, oc ŋac tageŋ êjanda êsêacnêŋ lau 1,000 amboac ondoc, ma ŋac luagêc têtakê nêŋ lau 10,000 e sêc su amboac ondoc.

³¹ Gebe êsêacnêŋ poctêna kêtôm aêacnêŋ Poctêna atom, aêacnêŋ ŋacjo taŋŋ sêwa biŋ tonec sa.

³² Gebe êsêacnêŋ wainmôkê ŋam kêsêp wainmôkê Sodomŋa,

gêmêŋ aŋga kôm Gomoraŋa.

Êsêacnêŋ wain ŋanô ŋamalic sec,

ma ŋanô tau ŋamakic ŋanô.

³³ Êsêacnêŋ wain kêtôm moac ŋamalic, kêtôm moacwêm ŋaawasulu sec.

34 “Biñ amboac tonañ kêsiñ tau gêc aêña
ma kalai auc gêc ñoc balêm awamataña atom me.

35 Êndên tañ êsêac sêka selelec nañ,
aê taucgeñ oc jakac kamocgôc to jakêñ ñagêjô
êndên êsêac,

gebe bêc êsêac sênañaña kêdabiñgac,
gêñ enseñ êsêac suña kêlêti gêmên

36 Biññanô, Apômtau oc êmêtôc nê lau naêndêngeñ
ma eñ taê walô nê sakiñwaga.

Eñ gêlic gebe nêñ ñaclai samob gêbacnê
ma nêñ lau kapôên to sauñ samob gêbacnê.

37 Go eñ oc êsôm gebe ‘Êsêacnêñ anôtôi sêmoa on-
doc,

poctêna, tañ êsêac sêlamu nañ, kêkô ondoc.

38 Asa geñ êsêacnêñ da ñañalêsi
to gênôm êsêacnêñ da, tañ sêkêc siñ nañ, ñawain.

Êsêac sêndi sa to sênam amac samañ,
êsêac têtú amacnêm lamumañ.

39 “ ‘Galoc alicgac, gebe aê, aê tauc tonec tec
Apômtau,

ma anôtô teñ gêmoa gêwiñ aê atomanô.

Aê tec janac lau êndu ma aê jañu lau sa sêmoa
maten jali.

Aê janac lau e kamoc êsa ma aê jañgôm kamoc
emo.

Ñac teñ oc êtôm, gebe ênam lau sa aña lemoc gêmoa
atom.

40 Biññanô, aê jatôc lemoc êpi undambê
ma jasôm gebe Aê tec jamoa teñgeñ,

41 embe jauc ñoc siñ ñaôsic-ôsic ñamata êsa
ma embe jakôc kôm mêtôcña sa,
go jakac kamocgôc êndên ñoc ñacjo

ma jakêñ ñagêjô êndêñ lau têntac gedec aêña.

⁴² Aê jakêñ dec êjanjñ ñoc sôb
ma ñoc sinj êndanğonj gwada.

Dec tau êmêñ anğa lau, tañ sêjac êsêac êndu to lau
kapoacwalônja nêñ,
oc êmêñ anğa ñacjonêñ sinjsêlêc môkêñapac.’

⁴³ “O amac lau tomôkê-tomôkê samob, alambinj ênê
lau,

gebe enj êkêñ ñagêjô êjô nê sakinjwaganêñ dec
to êkac nê ñacjonêñ kamocğoc
ma enj êngôm nê launêñ gamêñ êtu selec.”

⁴⁴ Mose agêc Nun latu Josua sêo lasê ma sêsôm
wê tonec ñabinj samob lasê gêdêñ lau sêñô.

⁴⁵ Ma gêdêñ tañ Mose gêjac mata nê binj tonanj
gêdêñ lau Israel nanj,

⁴⁶ kêsôm gêdêñ êsêac gebe “Binj samob, tañ galoc
gawa sa gêdêñ amac nanj, ênêc nêñ ñalêlôm, ma
ajatu nêñ gôlôac, gebe sêngôm binjsu tonec ñabinj
samob ñanô êsa ñapepgeñ,

⁴⁷ gebe binj tau êtu binj ñaôma atom, binj tau kêtu
amac amoa matem jali ñamôkê. Ma binj tonec
êngôm amac anğonj ñêñgeñ anğa gamêñ, tañ êtu
amacnêñ gamêñ êndêñ tañ alom bu Jordan su
nanj.”

Apômtau kêtoc gamêñ Kanaan gêdêñ Mose

⁴⁸ Gêdêñ bêc tonanğenj Apômtau kêsôm gêdêñ
Mose gebe

⁴⁹ “Ôpi gamêñ lôcña Abarim ñaloc Nebo, tañ kêkô
lau Moab nêñ gamêñ kêkanonj malac Jeriko ôna ma
ôsala gamêñ Kanaan, tañ jakêñ êndêñ lau Israel
gebe êtu nêñ gamêñ nanj.

⁵⁰ Su, go ômac êndu anġa lôc, taġ ôpi ôna naġ, naôwiġ nêmu lau ôtôm têwam Aron ġêmac êndu anġa lôc Horeb jagêwiġ nê lau.

⁵¹ Biġ tonanġ kêtap amagêc sa ġebe akêġ ġêwiġ aê kwalec amoa lau Israel ŋalêlôm anġa ġamêġ sawa Sin ġêdêġ taġ anġônġ bu Meribat-Kades naġ, ma awaka aê sa ġêdêġ lau Israel, ġebe aê ŋac dabuġ nec atom.

⁵² Ômoa jaêcġenġ ma ôlic ġamêġ tau, mago naôsa ġamêġ, taġ jakêġ êndêġ lau Israel naġ atom.” * lau nomġa tomôkê-tomôkê samob nêġ ġejobwaga ġêdêġ-ġêdêġenġ. †

33

Mose ġêġam mec Israelnêġ ġôlôac

¹ Mec, taġ Anôtônê ŋac Mose ġêġam mec lau Israel naġ, tonec. Mec tau kêtû ênê awamu.

² Eġ kêsôm ġebe

“Apômtau ġêmêġ anġa Sinai.

Eġ kêpi mênkêpô aêac anġa Seir.

Ênê ŋawê kêsâ anġa lôc Paran.

Eġ mênġêô lasê anġa Meribat-Kades

to ja ŋawaô kêsî eġ lêma anôġa.

³ Biġġanô, eġ têtac ġêwiġ nê lau,

nê lau dabuġ samob sêsêp eġ lêma.

Êsêac sêpuc aôm waġam

to sêsêlêġ têdaguc nêmu biġ.

⁴ Mose kêkêġ biġsu ġêdêġ aêac.

Biġsu tau kêtû ġôlôac Jakobġa nêġ biġlênsêmu.

⁵ ġêdêġ taġ launêġ laumata sêkac

* **32:52:** Lau ŋanô sêkêġ ġêwiġ ġebe anġa tagen-tagen têtû

† **32:52:** Jesurun-Jakobnê ŋaê tenġ.

to Israelnêḡ gôlôac samob sêpi tagen nan,
Apômtau kêtû kin anḡa Jesurun.

⁶ “Ruben êmoa mata jali, eḡ êmac êndu atom,
ma nê sinwaganêḡ namba êtu saunḡ atom.”

⁷ Binḡ tonec Mose kêsôm kêpi Juda gebe
“O Apômtau, ôkêḡ taḡam Juda awa
ma ôwê eḡ naêô lasê êndêḡ nê lau.
Aôm lêmam ênac sinḡ êjô eḡ
to ônam eḡ sa anḡa nê ḡaçjonêḡ.”

⁸ Ma eḡ kêsôm binḡ tonec kêpi Lewi gebe
“Ôkêḡ nêḡ Tumim to nêḡ Urim êndêḡ Lewi.
Eḡ ḡaç, taḡ ḡêjac matamanô ḡaçam nanḡ.

Aôm kôsaê eḡ anḡa Masa
to ḡôjac sinḡ ḡôwiḡ eḡ anḡa bu Meribaḡa.
⁹ ḡaç tau kêsôm kêpi têna agêc tama gebe
‘Aê kajala êsêagêc atom’.

Eḡ ḡêlic nê lasitêwai atom
ma ḡêjam kauc nê latuio to ḡaç.
Binḡanô, êsêac matenḡ ḡêdiḡ nêḡ binḡ
to sejop nêḡ poac.

¹⁰ Êsêac oc sêndôḡ nêḡ ḡaçôlinḡ êndêḡ Jakob
ma nêḡ binḡsu êndêḡ Israel.

Êsêac sêkêḡ ḡêḡ ḡamalu êndêḡ aôm ôḡu
to tetoc daja ênsac nêḡ altar ḡaô.

¹¹ O Apômtau, ônam mec ênê waba samob
ma ôkôc eḡ lêma ḡaçôm sa.

Ôtuc ênê ḡaçjo to lau, taḡ sêkêḡ kisa eḡ nanḡ, maginḡ
êsu,
gebe sêndi sa êtiam atom.”

¹² Ma kêsôm binḡ tonec kêpi Benjamin gebe
“ḡaç Apômtau têtac ḡêwiḡ eḡḡa,

en gêngôn tomalô.

Lôlôc N̄atau ejop en êtôm bêcgen,
go êngôn ênê lôc naden êwiñ en.”

¹³ Ma kêsôm biñ tonec kêpi Josep gebe

“Apômtau ênam mec ênê nom
ña ñanô ñajam, tañ êsêp aña undambê
ma êpi aña nom ñalêlôm nañ.

¹⁴ Oc êpô kôm e ênam ñanô ñajamanô,
ma ñanô esewec ñajam êtôm ajôngeñ.

¹⁵ Lôc lan̄gwa sec êkêñ kôm ñanô ñajam êndu
to gamêñ ñabau teñgeñña ênam ñanô êlêlêc su.

¹⁶ Nom to ñagêñ samob êkêñ ñanô ñajam-ñajam,
ma ñac, tañ gêmoa gamêñ dani nañ, êlic Josep
ñajam.

Biñ samob tonañ ñai ñanô êsa êpi Josep,
êpi ñac, tañ kêtû nê lasitêwainêñ kasêga nañ, nê
sunsuñ ñaô.

¹⁷ Nê bulimakao kapoac ñamêc kêtap ñawasi sa
ma ênê jabo kêtôm bulimakao saleñña nê.
En êsuc lau tomôkê-tomôkê ña jabo tonañ
e naêndêñ nom ñamadiñ.

Epraimnê lau 10,000 to 10,000 tau tonañ,
ma Manasenê lau 1,000 to 1,000 tau tonañ.”

¹⁸ Ma kêsôm biñ tonec kêpi Sebulon gebe
“O Sebulon, têtmac ñajam êsa êtu nêmlêñ lagajana
Ma aôm Isakar, têtmac ñajam êsa êtu nêmlêñ becobona.

¹⁹ Êsêac sêkalem lau tomôkê-tomôkê sêpi êsêacnêñ
lôc sêna.

Aña tônê oc sêkêñ da gêdêñ,
gebe êsêac sejoñ gwêc ñagêñlêlôm totau-totau
ñaawamata,

to gañac ñaawamata, tañ kêsiñ tau nañ sa.”

²⁰ Ma kêsôm biñ tonec kêpi Gad gebe

“Aê aoc êôc ñac, tañ kêkêñ ñasawa gêdêñ Gad.
 Gad kêluñ tau kêtôm lewe,
 eñ kêkac gêñ ñalêma to ñamôkêapac gêñgic.
 21 Eñ kêjaliñ gamêñ ñajamanô sa kêtû tauña.
 Eñ gêlic kasêganê nomlênsêm gêc kêtû eñña.
 Eñ jagêwiñ launêñ laumata
 ma gejob, gebe Apômtaunê mêtôc êtu anô
 to ênê biñ êtu tôñ êpi Israel.”

22 Ma kêsôm biñ tonec kêpi Dan gebe
 “Dan kêtôm lewe ñalatu,
 tañ gêboañ kêsa anga Basan gêmêñ nañ.”

23 Ma kêsôm biñ tonec kêpi Naptali gebe
 “O Naptali, moasiñ gêjam sêga anga aômnmêm
 to Apômtaunê mec gêjam aôm auc.
 Aôm ôwê kaiñ bugêjacton to gamêñ gêmû kêsêpña.”

24 Ma kêsôm biñ tonec kêpi Aser gebe
 “Aser kêtû Israel latuinêñ ñac, tañ kêtap mec sa
 kêlêlêc nañ.

Nê lasitêwai têntac êwiñ eñ ñanômañ,
 ma eñ êsac akaiñ tôñ êsêp ñalêsi.

25 Sênsô tuñ aôm auc ña ki jêjec to kokoc,
 ma nêm ñaclai ênaña atom e ômac êndu.

26 “O Jesurun, ñac teñ kêtôm Anôtô, tañ gêngôñ tao
 ñaô tonê ñawasi
 me kêlêti gêmua undambê gebe ênam aôm saña
 nañ, gêmua atom.

27 Anôtô taugen kêtû nêm lamuanô,
 eñ kêsip aôm sa ña lêma teñgeñña.
 Eñ kêtiñ ñacjo su gêmuj aôm
 ma kêsôm gebe Onseñ sumañ.

28 Tec Israel gêngôñ tomalô,
 Jakobnê bumata êpoac tauña

anġa gamêġ, taġ ġêġam ŋanô polom to wain.
 Biġŋanô, ênê undambê kêpalip maniġ kêsêp ġêmêġ.
 29 O Israel, aê aoc êôc aôm. Asa kêtôm aôm.
 Apômtau tau ġêġam aôm sa.
 Eġ kêtû lautuc ġêġam aôm kêsîġa
 to siġ êku nêġ ŋacjo tulunġa,
 Nêġ ŋacjo sêô lasê aôm to sênac papac aôm,
 ma aôm ôsêlêġ ômoa êsêacnêġ lôc ŋaô.” * † ‡ taġ
 sêlac wanġ kêtû têtulu ġêġġa.

34

Mose ġêġmac êndu

¹ Ma Mose ġêdi anġa ġaboanġ Moabġa ġakêpi lôc
 Nebo ŋatêpôê Pisġa, taġ kêkô kêkanônġ Jeriko nanġ.
 Ma Apômtau kêtôc ġamêġ samob ġêdêġ eġ anġa
 Gilead e ġagêdêġ Dan,

² kêtôc Naptalinê ġamêġ samob to Epraim agêc
 Manase nêġ ġamêġ ma Judanê ġamêġ samob e
 ġêdêġ ġwêc oc kêsêpġa,

³ ma kêtôc ġamêġ Negeb to ġaboanġ Jerikonġa e
 ġagêdêġ Soar ġêdêġ eġ. Jeriko tau kêtû malac nipġa.

⁴ Ma Apômtau kêsôm ġêdêġ eġ ġebe “ġamêġ
 tonec tec katôc lemoc ma kasôm ġêdêġ Abraham
 agêc Isak ma ġakob ġebe ‘Aê oc ġakêġ ġamêġ tau
 tonec êndêġ nêġ wakuc,’ nanġ ġamêġ tau tonec. Aê
 kakêġ matamanô ġôlic ġamêġ tau su, mago aôm
 taôm oc naôsa tônê atom.”

⁵ Amboac tonanġ Apômtaunê sakiġwaga Mose tau
 ġêġmac êndu anġa ġamêġ Moabġa kêtôm Apômtaunê
 biġ.

* **33:29:** Israelnêġ ŋaê tenġ. † **33:29:** Tumim to Urim Israelnêġ
 kapoac ŋaê. ‡ **33:29:** Sebulon ŋac êlac wanġġa. Nġalô “lagaja” kêpi
 lau,

⁶ Ma Apômtau kêsuj en gêc gaboaj, taj gêc gamêj Moabja naj, kêkanôj Bet-Peor, mago njac tej kêjala ênê sêo atom e mêngêdêj galoc.

⁷ Mosenê jala 120, go gêmac êndu. En mataanô kêtû waô atom, ma ôliwalô gêjaña atom.

⁸ Ma lau Israel têtaj tajiboa kêtû Mosenja sêmoa gaboaj Moabja kêtôm bêc 30, go bêc têtaj tajiboa kêtû Mosenja gêbacnê.

⁹ Ma njalau tokauc tatu mêtê taunja gêjam Nun latu Josua auc, gebe Mose gêu lêma gêsac en. Amboac tonaj lau Israel tajen wamu en ma sêgôm bin, taj Apômtau kêjatu Mose naj, njanô kêsâ.

¹⁰ Ma propete tej gêdi sa anja Israel kêtôm Mose, taj êsêagêc Apômtau lajôñanô gêdêj taun naj, atom e mêngêdêj galoc.

¹¹ Tej gêgôm gêñsêga to gêñtalô kêtôm Mose, taj Apômtau kêsakin en gebe êngôm anja gamêj Aiguptunja êndêj Parao ma ênê sakinwaga to ênê gamêj samob naj atom.

¹² Ma njac tej gêwê kain Mosenê njac lai to njajana ma nê gêñsêga kain tej, taj Mose gêgôm anja lau Israel samob lajôñnêmja naj atom.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb